

地12057
42
部=5

第五册
人物志
鄉賢二

五年
鶴題



續修廣饒縣志卷十九

人物志

鄉賢二

列傳上

列傳中

列傳下

邑地平方萬餘里盛世人口滋生達卅萬上下雖斥鹵濱海壤地非小也而人物之載諸舊志及今所採訪乃數僅以百計滄粟沙金亦云罕矣然天之生人性靈本無偏賦彼芸芸之與草木昆蟲灰寒同盡而此獨彪炳史乘歷世光寵者豈非以克自致力於德言事功哉夫舜人子人有爲可企前事後師抗希能逮志書之列此門固非獨章前修光史乘亦實所以樹風聲啓後來也民初志詆舊志人物分列德目義多侵越一與刪併而續修廣饒縣志

卷十九

人物志

鄉賢

一

濟南五三美術印刷社承印

漢

列傳上

歐陽生字和伯事伏生受尙書後授兒寬寬復授生子世世傳至曾孫高高傳子陽陽子地餘以中庶子授太子經世爲博士元帝即位地餘侍中貴幸官至少府卒天子賜錢百萬嘉其廉節後其少子政爲王莽講學大夫由是尙書世有歐陽氏學

兒寬治尙書事歐陽生以郡國選詣博士受業孔安國貧無資用嘗爲弟子都養時行賃作帶經而鋤休息輒讀誦以射策爲掌



故功次補廷尉文學卒史時張湯爲廷尉廷尉府盡用文史法律之吏而寬以儒生在其間見謂不習事不署曹除爲從史之北地視畜牧數年還至府上畜簿會廷尉時有疑奏已再見却矣掾史莫知所爲寬爲言其意掾史因使寬爲奏奏成讀之皆服以白廷尉湯湯大驚召寬與語乃奇其材以爲掾上寬所作奏即時得可異日湯見上問曰前奏非俗吏所及誰爲之者湯言兒寬上曰吾固聞之久矣湯由是嚮學以寬爲奏讞掾及湯爲御史大夫以寬爲掾舉侍御史見上語經學上悅之從問尙書一篇擢爲中大夫遷左內史寬表奏開六輔渠定水令以廣溉田收租稅時裁闊狹與民相貸以故租多不入後有軍發左

續修廣饒縣志

卷十九

人物志

鄉賢

二

濟南五三美術印刷社承印

內史以負租課殿當免民間之大家牛車小家擔負輸租纏屬不絕課更以最上由此愈奇寬及議欲放古巡狩封禪之事諸儒對者五十餘人未能有所定寬言悉合上意乃拜寬御史大夫從東封初梁相褚大通五經爲博士時寬爲弟子及御史大夫缺徵褚大大自以爲得之至洛陽聞兒寬爲之褚大笑及至與寬議封禪於上前大不能及退而歎服曰上誠知人寬爲御史大夫以稱意任職故久無所匡諫於上官屬易之居位九年而卒

歐陽歙字王思自歐陽生傳伏生尙書至歙八世皆爲博士歙旣傳業而恭謹好禮讓王莽時爲長社宰更始立爲原武令世祖

平河北到原武見歛在縣修政遷河南都尉後行太守事世祖
即位始爲河南尹封被陽侯建武五年坐事免官明年拜揚州
牧遷汝南太守推用賢俊政稱異迹九年更封夜侯歛在郡教
授數百人視事九歲徵爲大司徒後以汝南賊罪發覺下獄諸
生守闕爲歛哀求者千餘人至有自髡剔者平原禮震年十七
聞獄當斷馳之京師行到河內獲嘉縣自繫上書求代歛死曰
伏見臣師大司徒歐陽歛學爲儒宗八世博士而以賊咎當伏
重辜歛門單子幼未能傳學身死之後永爲廢絕上令陛下獲
殺賢之譏下使學者喪師資之益乞殺身以代歛命書奏而歛
已死獄中掾陳元上書追訟之言甚切直帝乃賜棺木贈印綬

續修廣饒縣志

卷十九

人物志 鄉賢

三

濟南五三美術印刷社承印

賻縑三千正子復嗣復無子國除

董永按一統志邑人也里居無考少失母獨養父流寓孝感父亡
無以葬乃從人貸錢一萬日後無還當以身作奴葬畢忽道遇
一婦人求爲永妻與俱詣錢主爲織縑償債而去云事詳列女
傳魏陳思王植靈芝篇有曰董永遭家貧父老無財遺舉家以
供養傭作致甘肥債家填門至不知何用歸天靈感至德神女
爲秉機者蓋即詠此讀貧無遺財傭作供養云云可斷章以想
其行子仲工符篆嘗爲不其令多惠政赤雀乳廳事桑上民爲
作頌又在漳泉除毒蛇之害民爲立生祠祀之

據董氏家譜

按舊志永子名忠考董氏家譜永子名仲當以家譜爲是茲依

易之

牟長字君高習歐陽尙書不仕王莽建武二年大司空宏特辟拜博士稍遷河內太守坐墾田不實免既復徵爲中散大夫賜告一歲卒於家初長自爲博士及守河內諸生從以講學者常千餘人著有尙書章句家法歐陽一時轉相傳授號爲牟氏章句云子紆隱居教授門墻之廣如其父肅宗聞而徵之欲以爲博士未至而卒

按後漢書長樂安臨濟人也樂安於時爲郡國之稱而臨濟非今縣屬所治則長之是否縣人瞭然明白舊志據萬姓統譜列入人物或牟以受書歐陽因家此不去與抑統譜別有所據而

續修廣饒縣志

卷十九

人物志

鄉賢

四

濟南五三美術印刷社承印

特以質前史之誤耶不可考矣今姑仍之以存疑而於傳中削去里居不書用示區別他倣此閱者當以例求之民初志曰邑志之傳人物自漢始右爲傳五爲人十其牟博士長以時次當先於董孝子永今後之者蓋事雖姑仍舊貫而理究不無疑闕說見本傳又孫子各書謂武齊人而田氏族屬祖書以功賜姓食采樂安此地以樂安名而見於載籍之最古者事尤前於漢之以樂安名國名郡則元之用以名今縣所屬或亦有因推是則武或邑人即降而原其始末抑寓賢外徙之例也然詳不可考疑莫能明故附著以俟博雅君子

晉

光逸字孟祖按晉書本傳初爲博昌小吏縣令使逸送客冒寒舉體凍濕還遇令不在逸解衣炙之入令被中臥令還大怒將加嚴罰逸曰家貧衣單沾濕無可代若不暫溫勢必凍死奈何惜一被而殺一人乎君子仁愛必不爾也故寢而不疑令奇而釋之後爲門亭長迎新令至京師時胡母輔之與遂荀共詣令家望見逸謂遂曰彼似奇才便呼上車與談良久令怪客不入吏白與光逸語令怒除名斥遣之後舉孝廉爲州從事棄官投輔之輔之時爲太傅越從事中郎薦逸越以門寒不召後因閑晏責輔之無所舉輔之曰前舉光逸不召非不舉也越即辟焉尋以避亂過江復依輔之初至屬輔之與謝鯤阮放畢卓羊曼桓

續修廣饒縣志

卷十九

人物志

鄉賢

五

濟南五三美術印刷社承印

南北朝

任昉字彥昇漢御史大夫放之後也父遙齊中散大夫遙妻裴氏嘗晝寢夢有彩旗蓋四角懸鈴自天而墜其一鈴落入裴懷心悸動旣而生昉幼以好學知名宋丹陽尹劉秉辟爲主簿以忤秉子奉朝請久之拜太常博士遷征北行軍參軍永明初衛將軍王儉領丹陽尹復引爲主簿雅重之遷司徒刑獄參軍事入爲尙書殿中郎轉司徒竟陵王記室參軍以父憂去職性至孝

居喪盡禮服闋續遭母憂嘗廬於墓側哭泣之地草不生服除拜太子步兵校尉管東宮書記昉雅善屬文當世王公表奏莫不請焉捉筆立成不加點竄明帝崩遷中書侍郎永元末爲司徒右長史梁高祖克京邑霸府初開以昉爲驃騎記室參軍及高祖踐阼拜黃門侍郎遷吏部郎中尋以本官掌著作天監二年出爲義興太守在任清潔重除吏部郎中遷御史中丞秘書監領前軍將軍天監六年出爲寧朔將軍新安太守在郡不事邊幅率然曳杖徒行邑郭民通辭訟者就路決焉爲政清省吏民便之視事期歲卒於官初昉好交結獎進士之得其延譽者率多升擢及卒諸子皆幼人罕瞻恤平原劉俊爲著廣絕交論續修廣饒縣志

卷十九

人物志 鄉賢 六

濟南五三美術印刷社承印

民初志曰邑人物舊志載任昉而不載光逸府志載光逸而任昉降列雜傳其棄取進退之當否姑無深論但東晉以降之所謂樂安者不獨地統郡國抑名係僑置則右列二人之牽連立傳以視漢之有牟長爲愈疎然且過存之者亦有舉莫廢之義云爾

宋

曾丰字幼度按萬姓統譜邑人也乾道五年進士晚歲恬於仕進築室曰樽齋著有樽齋集行世何柳塘穀嘗贊之云不夷不惠斯道之魄不歐不蘇斯文之脈外容萬象中無一物世以爲知言

宋八不居士居士姓李佚其名生宋季靖康後以地沒於金恥仕異族遂隱焉蓋漢管幼安晉陶淵明之流亞也民初志曰舊志繫之曰金且不爲立傳是不知淪亡之痛而以背棄祖國爲當然山東通志青州府志刪之是矣而於傳復以崇寧紀年者何哉載筆若是宜人心死也今據綱目陶徵士之例改書以墓考之蓋邑城之東南鄉人詳見古蹟好讀書老而彌篤嘗自題其室曰不貧不富不饑不寒不名不利不忙不閒衆因以八不居士稱之孫克勤官至夏邑令

金

朱現按墓碑邑城東鄉人仕至武節將軍驍騎尉兄弟三現其仲

續修廣饒縣志

卷十九

人物志 鄉賢 七

濟南五三美術印刷社承印

也天性孝友始與兄弟皆力田廢齊時調發鄉兵兄某名已在籍現力請代於當事當事義而許之既出征迸力血戰奪取敵軍水寨舟船蕩毀正陽城併燒其野寨論功以衝鋒破陣第一授進義副校尉皇統元年錄南征舊勳晉正校尉累遷忠顯校尉貞元二年任河州安鄉關巡檢其地西鄰邊徼號難治現訓練士卒撫恤人民境賴以安晉封武義將軍飛騎尉調瓦城鹽場都監煎煉以時運售有則課息日增親老遂一意色養不復求進者二十年明昌元年以恩加武節將軍驍騎尉遂致仕仍月給半俸焉

元

趙庭玉字君用邑城北不三十里之北夏口莊人也父成以攻取揚州淮安等處累功官武略將軍管軍千戶益都路總管有子三庭玉其季也幼習儒業長嫻戎略性厚重而膽智過人多才善下凡騎射步槩布算臨池莫不精妙然未或以之自許語言溫文體貌謙和無武夫態居平手不釋卷間寓情吟咏操筆立就初若未嘗經意者顧落落自得天趣用是人益重之年未冠以將家子從軍漣海間由百戶長以功陞馬軍千戶中統三年山東經略使司奉旨甄叙本路大小軍官被錄行鄆縣樂鹽司三軍戍守膠州以善游泳兼教習水軍至元三年移軍正陽從大軍下襄樊十三年攻常州親當矢石超射左右命中以故士

續修廣饒縣志

卷十九

人物志 鄉賢

八

濟南五三美術印刷社承印

益奮城下論功授塔察大王充管軍總管尋授敕牒銀符忠顯校尉管軍千戶十五年鎮守蘇州會湖秀賊起衆萬餘率先陷陣單騎搗其巢當者披靡手擒首惡吳大升事平授武畧將軍管軍千戶未幾福建豆賊黃華作亂奉命往征得雋以歸授宣命金符武義將軍管軍千戶二十六年換授宣命就帶元降金符散官如故旋改充管樂安等處軍政千戶以疾卒官生平輕財好義謙退不伐故前後軍功多不見錄名位終此時論惜之

綦公直字世美按元史本傳益都樂安人家邑城直北三里之綦家莊世業農至元五年爲益都勸農官九年爲沂莒膠密寧海五州都城池所千戶十年賜金符命造征日本戰船於高麗時

宋未下世祖知其勇召見俾與乎不烈拔都等同行荆南等處
招討司事抵峽州青草灘以霖雨還屯玉泉山既率兵三千攻
安進下寨破之還至襄陽樞密院命督造戰艦運舟襄陽下奉
旨從大軍南伐二十年冬至隆興宋軍突出城逆戰公直敗之
追抵城下併踰壕焚其樓櫓隆興降由是南安吉贛皆望風款
服又令第三子忙古臺攻梅關破淮德山寨入廣東至南海皆
下之詔授武毅將軍管軍上千戶召入加昭勇大將軍管軍萬
戶佩金虎符會伯延伯答罕禿忽魯叛於西夏率軍討平之十
八年五月陞輔國上將軍都元帥宣尉使鎮別十八里初帝詔
以長子泰襲萬戶公直自陳語詳泰傳乃以忙古臺襲從之鎮
續修廣饒縣志

卷十九

人物志 鄉賢

九

濟南五三美術印刷社承印

二十三年諸王叛侵別十八里從伯顏丞相進戰洪水山敗走
之追擊既遠援不時至第五子瑗力戰死與妻及子忙古臺皆
陷焉二十四年忙古臺奔還授定遠大將軍中侍衛親軍副都
指揮便改湖州砲手軍匠萬戶討衢州山賊有功加昭勇大將
軍長子泰別有傳

綦泰字伯亨輔國大將軍公直長子初公直之奉命宣慰別十八
里也帝詔以泰襲萬戶封公直自陳父老乞以泰尹樂安就養
其父制曰可乃以他子襲事見公直傳而以泰爲樂安縣尹仍
令終其父之世勿徙他職蓋異數也在縣政聲卓著與故隋令
蕭信公琅同時張縣尹德新號爲三尹或又益以漢樂安太守

陳藩爲四賢先後皆建祠歲時致祭并入祀名宦祠後以公直父卒遷知寧海州事卒於官

路達出身及先所歷官不詳自內府外放爲日照縣尹撫民訓士卓然有聲時齊東守令以達爲最值亢旱達荷校泣禱於嶽神

廟應時澍雨民頌神君焉

通志青州府志達均作達

劉蕃字君卿里居無考泰定間人由皇佑進士授西臺御史彈劾不避權貴累官中奉大夫終遼陽行省參知政事治書侍御史程鵬字萬里邑城之西關人嘗任人匠總管同知善醫卜家巨富樂施與屢出金周貧餓又捐地給無以葬者凡十餘所至治間歲大荒饑發粟賑救一方賴以全活事聞旌表當是時邑學廢

續修廣饒縣志

卷十九

人物志 鄉賢

十

濟南五三美術印刷社承印

弛公家尙無所謂書院師儒乏講會地其寒素子弟失教者尤衆鵬慨捐巨資建書院於其家廣延名宿來學者皆廩給之元統二年賜額曰明誠初縣明倫堂有懸鐘即其時院中會食物規模之宏可想後人思其德稱曰義士祀之孝義祠蓋邑之一大慈善家也

朱景初邑之高家港人沉靜溫良克敦孝友至順間出粟賑荒事聞旌表鄉人立石頌德額曰澗川義士記詳金石

件正臣字直卿邑人也操履端方正至時爲忠顯校尉管軍千戶辭職事親竭力奉養以孝行旌表

張士謙字文益邑城東較北不十里之蓮花店人初氏烏惹金望

族也自祖某以織御容總管賜姓張世居北京始遷益都繼徙
今居見世系碑與李氏先塋助役碑者蓋當士謙之世
有戚李某以立身行已高一時子孫欲表章之而困於貲士謙
助成其事既李氏閭族篤念遺惠特碑諸先塋以示導揚者也
其生平之留心風教仗義急公類如此始仕與所由以進失考
爲縣尹擴學校淳士風化行治最累官南臺監察御史出知婺
源州時明勢已張以兵迫州治士謙拒守五十餘日城陷被執
以脅降不屈死初明兵之執士謙也先戮其妻復加刃士謙頸
脅之士謙曰吾爲國死忠豈愛身耶至死罵不絕口事聞封清
河伯見元史類編安徽通志

續修廣饒縣志

卷十九

人物志

鄉賢

十一

濟南五三美術印刷社承印

胡濬邑人也至正末爲益都路總管明兵至諸邑皆降濬自經死
姜碩邑人也官禮部員外郎奉詔招安陳友諒不從碩大罵遇害
舊志未載今據通志忠義傳補入

明

董袁鄒列傳

董子莊一統志子莊樂安人洪武中知茂名縣有循吏風

袁旭一統志旭樂安人永樂間知江津縣民困宿逋出己資代償
富民聞之爭相捐助積逋以清居官廉明公慎秩滿當代父老
懇留於朝詔許復任

鄒長邑人也永樂中知邵武縣多惠政宣德末九載考績軍民乞

留命增秩在任正統初擢知衡州府歲饑便宜發粟賑濟性鯁直不憚豪貴而撫民以慈

按右列三人舊志未載今據通志歷代循吏傳補入

孫整邑人也永樂庚子舉人仕至直隸威縣教諭以孝聞父喪哀毀骨立終葬悲不絕聲時祖母尚在堂及祖母之卒復爲父廬墓三年有司以聞建坊旌表

陳恩字迅字邑人也性純孝侍父病忘寢食百計求醫藥父病以瘥樂施予塗遇婦女輒避去壯喪偶終身不娶恐以疏家人父子間情也以德舉鄉飲大賓年九十卒

張三鳳字翔字少至孝讀盤盂書能詩賦書楷草篆隸各體皆工續修廣饒縣志

卷十九 人物志 鄉賢 十一

性恢廓不謀家人生產以貢生例授縣令不就嘗曰昔人不爲五斗折腰吾豈甘讓哉著書自娛至老不倦

連士雅字鳳州以純孝稱潛心洙泗之學歸本敬誠教子尤有義方

陳張張列傳

陳綸邑人也博涉群書記問淹貫一時稱經師焉章廟時貢入成均六館之士交重之晚歲益覃精研思舊志稱其著述頗富惜久佚初官觀城訓導旣以例轉嚴州照磨至即告歸曰吾豈爲升斗計但欲弔子陵於七里灘頭耳其澹於名利高情遠韻類如此

張孔思字慎符一字及泉嘗與修邑志見蔣孝廉奇鍾傳萬曆乙酉順天舉人初署聊城教諭既擢直隸之昌黎縣有惠政謝病改裕州學正分校陝闈所得多績學士再進中部令不赴論者稱其悠然林下有陶五柳風趣

張爾功字思旌少爲名諸生萬曆丁未貢於鄉工古文辭尤深於經術著有四書講義行世某令嘗延修邑志造門敦迫者再三爾功不一見因作百足歌以自喻

論曰士君子學優而仕爲行道也懷寶肥遯負所學矣義鳥取然靖節子陵之高風竟古今景慕何哉良以世亂國危民罹禍劫造因於士大夫之貪位慕利極其弊斯上下交征世浸危亂續修廣饒縣志

卷十九 人物志 鄉賢 十三

濟南五三美術印刷社承印

矣抑觀晚今士競權利廉恥道喪隨波逐流至不恤陷身從賊朝秦暮楚者比比皆是然後知先賢之澹泊明志曠懷樂道有益於社會人心爲彌大也三賢者後先映輝追蹤陶隱故連類併志以味來者

閻寬字德厚邑城北較西不二十里之石辛鎮人也先世家東平自元末遷著今籍凡五世而生寬以正統壬戌成進士授監察御史正色立朝彈劾不避權貴出按畿北再按湖廣皆以體悉民隱整飭吏治爲急務一時閭閻蹈德詠仁豪猾望風解綬稱上理焉及還朝爲怨家所中傷下錦衣獄初寬以不受津要請託嘗忤錦衣指揮馬順至是順逞宿憾迫令誣服遣戍鐵嶺命

下裏瘡就道留長子邑庠生溥侍父携次子江以自隨居戍所三年怡然自得惟以不得躬養爲恨旣而溥卒痛父之老而無倚感憤成疾卒於戍所

閻江寬子字朝宗幼承家學性本孝友加三世繼歿父寃未伸葬後遂廬於墓刻意修能冀直父謾卒登成化辛丑進士仕至戶部主事事繼母以孝聞

蔣暘字文輝邑城直北之楊橋社人以正德辛巳成進士授知南直之沐陽縣撫流移勸耕種興學校飭兵防爲舜澤蘇祐所稱服奏最擢江西道監察御史糾彈無所迴避督饑河東再巡畿輔皆值歲祲力請賑恤民以不害其在河東平青陽山寇擒畿

續修廣饒縣志

卷十九

人物志

鄉賢

十四

濟南五三美術印刷社承印

內以妖術相煽者千餘時論偉之後以抗直爲權貴所中傷謫守吉州創石城以衛民民德之祀以名宦並肖像學宮旣而陞僉事轉貴州兵備時土官相仇殺暘措置如法州人立石頌德全境賴以寧謐者累世尋致仕以壽終

李用中邑人也正德十一年舉人仕至按察司僉事善牧衆留心民事而不以赫赫爲功名

徐道邑人也幼業儒有至性父喪廬墓三年時母尙在及母之喪遂廬於墓所以不得逮養絕意進取督學者高其行以衣巾旌之辭不受曰吾父母不及見服奚爲者所處才二楹衣食時不繼而孺慕不衰人因名其室曰思庵云

李舜臣字懋欽一字夢虞號愚谷邑城南較西不十五里之李鵠莊人也性簡重不輕然諾所學屏絕俗尙而一意於古嘉靖二年以第一人成進士授吏部文選司主事轉員外郎出爲江西提學僉事累遷太僕寺卿當是時永嘉相方以興獻大禮議阿君公與在廷諸賢合詞力爭不得復相率哭宮門外忤旨廷杖遂引疾歸家居不事紛華儉素比寒峻旣壯歲罷政益肆力於學殫精諸經史多所開闡尤潛心漢儒訓詁爲文力浣脂澤專崇風味稱一時名品與章邱李中麓慶陽李空同齊名士大夫各依其鄉國所推重先後號爲二李論者躉之自錢宗伯虞山盧侍御德水以下無異詞雖並時馳騁自豪排抑異己若王弼續修廣饒縣志

卷十九

人物志

鄉賢

十五

濟南五三美術印刷社承印

州亦未始不推服而梓序之以自引重也所著甚富詳藝文

劉時彥邑人也嘉靖十三年舉人授知秦興縣通水利至今使之見秦興縣志名宦傳

程紳字伯書別號東溟邑城之南關人也父玉仕爲眞定縣丞有惠政父歿哀毀逾禮事繼母以孝稱初諸弟傲玉玉友愛倍篤卒皆感悟紳生有異質篤於天性如其父未毀齒已孝敬比成人長而懋學能文以嘉靖丁酉領鄉薦戊戌成進士除知陝西長治縣會旱甚紳步行禱城南歸未及里兩大作壬寅擢爲刑部陝西司主事所讞必以情罪疑者雖詔獄亦與平反奏最詔授陝西按察司僉事兵備榆林懲剔宿蠹軍餉以饒丁母憂廬

墓三年先是巡撫楊嘗薦以直誠爲國恐難其繼服闋起河南僉事首令有司立社倉練鄉兵躬親點閱及大盜李邦珍亂中州所屬獨以無事壬子大饑民以出食社倉粟不害又因汝水開惠民渠利被數縣當是時靈寶有大獄久不決牽連破敗無慮百數十家紳一鞠而昭雪者幾千人於是撫按交薦遷山西布政司參議守河東道蒲州城西逼黃河勢且殆紳亟築之人誦爲萬世利俗尙侈靡婚喪非大備不舉以故往往失時紳嚴申約禁積習爲之一變故事藩參不與戎政巡撫王以嫻戎政無如紳因檄守要害地當兩省交會伏莽叢積紳設伏弋之上首功以十數賊由是不敢犯時人以比韓魏公之帥涇原所屬

二十餘城堡終始無風鶴驚邊人德之爲立生祠晉山西按察司副使奉敕總理紫荆等關紫荆畿輔重鎮紳晝夜擘畫戰守務出萬全動廢寢食其在河東也業已防秋之勞積有痰疾至是遂大發卒於官子鳴伊自有傳

程鳴伊山西按察司副使紳子也少承家學以嘉靖二十八年成進士授知興化縣愛民好士墾荒勸農一時流亡之歸附者數千家累升陝西按察司副使振法紀鋤豪強終太僕寺卿民初志謂按鳴伊愚谷太僕之婿也工古文辭惜不傳舊志亦不言其有無著述今所見惟姜公祠碑記等一二構其簡嚴高古與愚谷如出一手而加秀潤焉

李尙思字希聖邑城東南二十五里之李家橋人器宇凝重淹博經史尤篤於友誼有馮生可教者少時同學也貧不能自存尙思周恤之終其身如一日彌留之際猶握手相視致身後故人恐無復所依意馮積感竟觸階以殉尙思諸子亦克承先志窀窆皆視其父時論者兩賢之子中行自有傳

陳蒞字地慶邑城裏人也性端介束髮受書即以古人自許隆慶四年舉人授知直隸之新城縣時諸大璫多縣人好以厚賄餌地方官吏故族黨橫行莫敢誰何蒞一切謝絕之有犯法者輒重懲不貸由是各自斂戢以治最升楊村通判及乞歸雖應得薪俸亦不之取繼任者致之其家乃以輸縣助城工

續修廣饒縣志

卷十九

人物志 鄉賢 十七

濟南五三美備印刷社承印

陳佃字信菴號樂天蒞姪性廓達有遠略萬曆十六年勘治縣境支脈溝北今陳家莊子附近官荒可墾殖乃於其處墾田八百餘畝建築房舍招集貧民撥給田宅安居樂業號陳樂天莊嗣復差別等則報墾升科令子孫世守厥後地闢愈廣遷移日衆子姓昌衍蔚爲巨村遂更名今之陳家莊子

李桂和城西南二十里之李家莊人廣西思恩府經歷居官清廉土人爲之立生祠後以丁父艱乞歸哀毀致疾中道卒生平義舉甚多入清邑人請准崇祀鄉賢祠

查公名字民初志登進志暨鄉賢祠題名均署貴和

茲據李氏家譜改正

李鳴和思恩府經歷桂和兄也太學生尙任俠好施與歷任邑侯

暨諸縉紳文學士咸敬重之生平義舉難更僕數將易簣猶持囊中千金付兩弟俾代了心志未已事可謂吉人爲善惟日不足矣隆慶壬申新樂王曾褒給貽德堂匾額崇禎元年公所自立之瞻族義田碑今尙在詳建置子文煜邑諸生善屬文鼎革後抱道終隱好善樂施有父風

蔣奇鏞字乘埜御史暘之孫少穎異善書工詞賦萬曆乙卯以第二人登鄉薦見明事日非屢却公車家居以著述自娛手輯邑志二十卷邑令孟楠爲板行於世初愚谷太僕病沈令清舊志之蕪陋因棄取進退之其謹嚴典確識者以比康對山之武功志奇鏞因以爲書今太僕志已不可考見賴奇鏞採列而並註

所出猶得窺先正義法故爲書益重同時有張四維張孔教陳蒞張孔思者實左右其事四維孔教均增生蒞與孔思自有傳蔣奇鐘孝廉奇鏞之弟也納級金吾左衛指揮僉事通經史善騎射倜儻有大志而賦性溫厚不與物忤事親以孝聞父築營以目疾不良於視每食必親操匙著以哺啜之日夕泣禱父目復明人以爲至誠所感居喪終三年不入私室而尤勇於趨義凡賑饑修城建橋除道莫不率先捐助或獨任其難又置瘞原以給死無以葬築廣廈以收生無以居每冬月從以室處者常數十人寒授衣死授棺木卒之日遠近流涕相率詣縣呈其孝友之節施與之仁當是時庠序中人以十數鄉之耆老以百數皆

頓請泣下知縣孟楠嘉之親爲論列載入邑志而表其廬曰孝義流芳云

陳可薦字擢寰邑城之東門街人少負雋才自爲諸生即名藉一時萬曆戊午己未聯捷進士授知南直臨淮縣以廉幹稱時護陵中使挾璫勢不以禮遇郡縣吏知府以降皆下之可薦獨不爲屈璫大銜因中以法鐫秩歸再起山西長子知縣多治績分校鄉闈所拔皆知名士論最擢戶部主事以勞卒官時論以未竟其才惜之

李中行字與之號二水尙思子萬曆庚戌進士初官大理評事梃擊案操論與王之來同旣而出知鎮江捕豪滑建義倉築普濟

續修廣饒縣志

卷十九

人物志

鄉賢

十九

濟南五三美印刷社承印

橋捐永生洲稅除監兌陋例民利賴之晉陝西按察司副使破回賊於歸德堡旋以忤某璫去職崇禎初起貴州提學副使晉左參政會土司安位之亂監五省軍及安氏就撫貴陽民大噪殺漢把左賓等七人督臣朱燮元戮胡朝棟以償事少定矣巡按蘇某陰受安氏賄欲窮治之畀中行會鞠以持正不阿拂蘇某意終養以歸至鎮遠疏劾御史黨曾激變狀下部勘治科臣劉宗周臺臣高宏圖四川巡撫馬如蛟雲南巡撫趙洪範相繼交章論之乃除免蘇由是直聲遠播母喪廬墓三年有異徵事具董文敏所書孝感碑見金石服除不赴補家居勇於公義諸若周急賑荒補除橋道等未易以一二數著有澗溪草黔中奏

疏子含章煥章斐章玉章從子楫皆自有傳

李楫字皇舟一字愚東參政中行之猶子也萬曆丙午以第一人舉於鄉己未成進士授刑部主事歷員外郎中時楊左諸賢下獄死楫往哭璫大惡之幾不測會以王恭廠災得免出知荊州府屬惠蕃之國中涓尉橫甚聞楫至相戒歛迹罷長楊安遠諸稅停監兌例商民便之有胥進篋金三千常例也卻不受後以勞卒於官年四十六著有河洛解

李耀祖楫從弟也少失父事母以孝聞性孤介敦大節家貧力學以郡諸生終士林多惋惜之

孫儒忠字澤寰里居見下孝友淳亮爲鄉里所推重邑境三岔地續修廣饒縣志 卷十九 人物志 鄉賢 二十一 濟南五三美術印刷社承印 善下清河水數溢爲民患儒忠力陳於官請濬別渠以通水利至今賴之子三傑三讓三錫三讓幼與兄三傑同學相友愛及三傑貴未嘗一至其署而仗義好施上承父志下與弟三錫並馳諸如焚券完娶賑救貧乏德不勝舉三傑三錫自有傳

鄭國俊

子應甲弟時俊附

字匪莪邑城直南不七里之東辛張人也天啓

四年舉人事母以孝聞嘗署青城教諭府志稱其能訓士以疾卒於官子應甲少爲邑名諸生早膺歲薦父喪哀毀成疾而歿弟時俊經營兩世喪葬凡百如禮撫應甲子少長凡四人爲之師卒以有成一時咸推爲孝友世家云時俊後官利津訓導以躬行率所屬弟子員與兄國俊比

詹事講邑人萬曆中知宣城縣值歲饑盡發儲三萬石賑民清丈令下里中騷然事講履畝核盈絀奸猾弊息田溢額而稅不增

據通志

孫三傑字景濂一字松石儒忠子初家邑城東北之三岔及三傑之世奉母遷城南偏西之李大莊少倜儻有大志以天啓乙丑成進士授陝西寶雞知縣故事邑不稅田歲貢五千金三傑立除之時流寇披猖川陝道梗乃勒井軌壯子弟成部曲嚴戰守備而單騎走其巢諭以禍福悉自解散調繁長安兼署咸寧大猾望風去有因事以硯歸者實重金三傑微知之不復開緘即筆注九字其上云硯雖佳貪墨吾不取也立還其人構書院與

續修廣饒縣志

卷十九

人物志

鄉賢

二十一

濟南五三美術印刷社承印

文太清講學奏最特擢兵科給事中當是時天下多故內外文武不合三傑疏所利弊指證切直有臣子當多事之際幸有能為國家公忠幹濟者即虛心聽之拭目望之矣何必功自己出名自己成等語會登萊巡撫孫元化以毛文龍部曲孔有德為偏裨有德反陷登州執元化元化者輔臣周延儒私人也延儒百計迴護之因力劾其庇姦誤國并痛陳欵局撫局之非延儒與封疆各吏朋比欺飾狀有皇上時時欲伐逆勦叛諸大姦通同奏成一欵局撫局臣知有皇上封疆不知有身家性命皇上誠自為社稷封疆計用臣之言立除誤國大姦嚴飭內外事諸臣從此洗滌腸胃打起精神息盜安民滅敵鋤叛等語疏凡

五上論者謂早從孫給事之言明之天下當不至是奈延儒方得君輒鐫秩降補上林院監蕃育署丞尋補太僕寺丞不以閑曹緘默猶一疏再疏中外重之既終不見用遂乞病歸卒於家子希奭自有傳

成勇字仁有一字寶慈晚號蝸廬居士邑城東北十五里之顏徐店人祖彩學宗朱子不求仕進歲饑出粟活人一舉輒千數百石父可訓積德力行能世其家勇生而穎異甫七歲即日記萬言不與羣兒嬉識者大奇之天啓二年會試以試策極言宦官之禍被放又三年成進士當是時魏璫擅政方廣延士類以自張新進之走其門者率得不次擢或以爲諷堅不可授饒州推

續修廣饒縣志

卷十九

人物志

鄉賢

二十二

濟南五三美術印刷社承印

官謁鄒元標於吉水師事之會中使以治器浮梁窰道饒知府以下皆郊迎勇獨不往且捕笞其從人累歷開封歸德二府推官其在歸德抵任甫三日流寇大至城幾破卒擊走之崇禎十三年以卓異行取入京時變考選例優者得爲翰林公論首勇而吏部尙書田惟嘉爲其私人地抑置之得南京吏部主事與論大譁勇無幾微不平即辭去明年二月帝御經筵問講官考選得失諭德黃景芳訟勇及朱天麟屈帝親策諸大臣天麟得翰林勇以先赴南京不與尋用御史涂必泓言授南京御史有救時切病諸疏皆報可未幾楊嗣昌奪情入閣一時言者咸獲譴勇憤草疏滋痛切或止以禍且不測勇爲備陳分所當盡義

其年九月遂上略云嗣昌秉樞兩年一籌莫展邊警屢驚羣寇滿野清議不畏名教不畏萬世公義不畏臣竊爲青史慮疏入帝大怒削籍提訊刑官擬杖徒不許嗣昌疏救亦不納命詰主使勇不爲動初曰天地鬼神再曰二祖列宗三曰周公孔子獄中上言臣十二年外吏數十日南臺無權可招無賄可納不知有黨有旨切責竟成寧波衛中外薦者十餘疏皆不召最後劉宗周言用盡天下人不如用勇一人張瑋言勇天下之大廉用之可激揚羣吏乃命吏部覆議久之執政合詞請擢用命刑部核奏請復故官帝以宥罪方新不當復職命以他官用甫聞命而京師陷遂歸里福王時起御史不赴黃道周者先是以劾嗣昌案同在理知勇最深手書敦勸辭以得罪先朝未經煎洗然實數數南下冀一得當以清兵布滿江南北道梗不果卒爲清官吏所猜嫌隱居崑崙山以終勇學宗濂洛毅然以扶翼世教爲己任嘗獨居一樓題曰蝸廬座右銘云萬里風光樓上眼千秋事業榻前心清明前一日盥沐著明衣冠書證道詞二端坐而逝所著甚富詳藝文明史清古今圖書集成皆有傳子其範其愿其懋其謙皆自有傳

徐振芳

子嗣附

字太拙邑城東較北不二十里之段河莊人也天姿

英特豐頤美鬚髯讀書日十行下工古文詞而尤精於詩天啓丁卯鄉試業得舉以試策有忤魏璫語被黜爲副貢嘗題句龍

山驛兵備道吳公見而異之訂昆弟交而去詩初學竟陵久之乃折衷李杜獨闢堂奧寄托高遠音節悲壯由是海內多知其名鄒平邱磊者少爲諸生有逸才後以積功官總兵慷慨明大義振芳終始參其軍當是時北都已陷與磊圖所以抗清軍者亟謀厚集兵力世所傳申包胥在終復楚魯仲連生不帝秦云云即其閱操所招各義旅詩中語也後磊爲劉澤清所妒殺妻子羈非所振芳力爲營救事聞於澤清澤清雅重振芳悉以磊妻子還之初李白成之入潼關也振芳嘗詣史可法請抗疏用唐肅宗靈武故事史公心奇其策然以格於有故不能用及磊之亡視諸鎮帥無可與遂漫遊吳越間山水盡所不平一寓於

光景流連中酸吟激楚益多變徵之調卒以被有清廷猜嫌去其鄉縣削髮披緇隱居安東衛以終著有二素楚萍雪鴻各草行世見錄清四庫全書曰徐太拙詩稿書法右軍得其精髓有楷書高王觀世音經行世按振芳少與李煥章同學相友善每以古豪俠自命迄今讀其言語文章拔劍斫地抑塞磊落之氣洋溢行間蓋文士而英雄者也子峒工書有父風

宋連璧字玉梧邑諸生性孝友尙義俠警敏絕人父遘異疾走數千里求乳熊療治得愈數爲諸開府幕客播名公卿間東林諸君子甚器重之後飛禍誣綿竹逮及璧下獄遂力白綿竹寃得白璧多機智方術詳載李煥章所作連璧傳中見拾遺晚年好

道客死蕪湖

羅養心字惺涵邑城西南不三十里之羅家莊人家貧力學崇禎己卯舉於鄉自甘窮約終身著述甚富並不存稿稱隱君子焉李廷栢字冲雲邑名諸生德行學問見重一時學使者延主歷山書院雖數奇不偶困頓終身而德業爲國人所矜式焉

張所好字從吾號瞿堂明經三鳳子也三鳳能詩善篆隸公以其家學淹博自負悉讓產諸兄弟而敝廬風雨燈火熒熒讀書聲弗輟也已卯售賢書主考吳公貞啓得公律曆策大駭曰馮北海後無此作矣用程山左士公文類劉原父更饒風韻亢慨死兵火中稿盡焚無存焉

續修廣饒縣志

卷十九

人物志

鄉賢

二十五

濟南五三美術印刷社承印

連守度字志禹一字慎所邑城之南門街人以恩貢授知陝西之淳化縣邑有大猾王堯者素持地方長短經數官不能制守度至擒論如法斷事多巧發奇中衆以爲神以故郡邑疑獄悉屬以質成秩滿擢知鎮南州以父老子告終養

連守章字敷所守度弟也性孝謹勤學而澹於進取惟以教授後學爲務及門多知名士嘗以兄遠宦久違色養移書勸令告歸以叙倫樂

李含章字繪先號浮玉參軍中行之長子而煥章同母兄也崇禎己卯副貢弘光朝除諫議大夫憤馬阮秉政棄官歸里著有遯山堂集行於世

李煥章字象先號織齋參政中行子也少承家學博極群書爲邑名諸生與參軍徐太拙相友善夙以古志節之士互爲期待鼎革後太拙旣齎恨以終煥章即亦不復應舉益肆力古文詞好太史公書於唐宋諸家獨喜柳州爲文雄傑有奇氣與壽光安致遠安邱張貞諸城李澄中齊名祥符周亮工者以風雅進退士類文壇主盟也其兵備青州嘗刊行煥章所著以與商丘侯朝宗新建陳石莊南昌王于一相比並世所謂四家刻者是也又嘗被聘與崑山顧炎武濟陽張爾岐益都薛逢祚修山東通志一時號爲傑作而各邑志之經其手輯或叙述論列者爲尤夥初煥章嘗夢星冠紫衣人授以二筆文思由是大進才名諫

一世當是時清廷方以人心未附收招英俊藉資鎮抑官吏承風爭先羅致以故有明遺老迫而不得遂所初賦者未易以更僕數煥章獨峻拒者至再至三情詞憤激其所遺當道書可覆按也然亦遂以此被忌不安其家因混迹緇流晚歲居青之法慶寺者爲多著有龍灣老樹村等稿煥章旣歿澄中訂其生平所爲文統曰織齋文集凡八卷清四庫全書錄其目詳藝文子新命舉人官至寧南州知州

李斐章字茂先參政中行公子含章弟也邑廩生家學淵源德業並茂所著有春輝堂集行世

李玉章字琳先含章季弟幼承家學文義並美初尙衡藩郡主國

變後以舉義不果被嫌遁去

按明清之際吾縣以詩古文詞名世者不十人而參政公之及門凡四一徐參軍太拙其三則含章與弟煥章斐章也以忠孝節義名者不十人而參政公與猶子楫子含章煥章玉章並徐參軍太拙均卓越一時彪炳史乘民初志稱其節義文章萃於一門豈偶然哉後之覽者尙其於教學之義三復思焉

劉一龍字見田爲人端謹深沉多智略凡邑中大徭役大興作及煩錯諸公事皆倚公爲主辦蓋屹然鄉祭酒云子毅志自有傳魏一品字帥萬邑城東較南五里許之梧村莊人也幼入武庠善騎射好讀孫吳各家書慷慨多大略當崇禎之末盜賊蠡起一

續修廣饒縣志

卷十九

人物志

鄉賢

二十七

濟南五三美術印刷社承印

品居常切齒企得當以自効青州兵備副使某奇之延入戎幕時桃花山賊方盛一品單騎深入所殺以十數馬蹶而墜賊環射之不能傷旣奮力突圍出復還擊卒大破之賊平副使某欲上其功而授以官一品力辭蓋知天下事之已不可爲也因圖所以捍衛鄉里者歸自青州遂聚近村丁壯教之攻守約以期會以故焚掠徧遠近而一村獨完當是時清勢已張嘗由登萊海道闌入邊東各州縣而羣不逞復互相膾附甘爲之俚於是南北各名城之陷落者相繼而村堡微論也一品探其將至乃大集素所與緩急者二十餘村莊共保於傳所稱五村者設伏置戰守甚備躬督率而調度之初敵稍稍至不爲動敵易而犯

之近輒沒死緣村所伏各塹乃相持不發既而縣城破敵大軍乘勝東指圍村以數匝期在必克時所守本編木附土爲塞脆弱甚寨之某隅且陷守者失色報於一品一品至連發三矢當之者皆應弦倒敵始退因厲聲曰吾昔以數百人破山賊數萬如風捲落葉所向無不披靡今敵雖衆吾有寨可據有人可守我在汝等勿恐敢有亂動或喧譁者斬衆志以固且不時巡撫之曰爾我父母妻子俱在舍此更無立足處各宜戮力儻有疏失頭且不保父母妻子何有焉聞者莫不誓死久之力且盡一品曰事急矣非挫動其大營不可乃覓善爲地道者穿出其下突奮擊之敵大驚移去者里許又令衆束草被紅衣手大刀若

關帝狀乘夜遍豎寨內敵從月明中望見之以爲神乃却走衆欲舉酒爲一品壽一品曰無爾吾方慮賊自此熾耳未幾果有土寇數萬來犯一品更走間道乞兵某副使內外夾擊大創之由是賊不敢正眼視無何明鼎革遂隱不出有問及守村事者輒曰此神明默相吾何力之有考縣城之破以崇禎十五年迄今鄉父老猶能指畫閭門巷隅說當年紛擾驚荒意色賴魏公活我云

魏守謙梧村莊人一品同族也生平仗義急公墓一品之爲人初一品既以村堡屢抗大敵從以居者日衆遂蔚爲邑東重鎮財力之富甲一時匪黨之覬覦舊矣徒畏一品耳一品之歿遂乘

機起人數千守謙則大怒提雙刀殺賊無算血髮交雜刀以鈍急歸而淬礪之復出復殺賊復歸淬礪至再三家人痛哭牽挽終不可而氣愈奮力愈猛殺賊亦愈多誤墜塹壕矢石交下卒一躍而登然已傷於腹腸出者寸許守謙手自納之而束以帶卒力戰以死賊亦以疲傷過當遁而之他邑人士有傳其始末者謂守謙膂力殊尋常豪俠好義負氣敢爲人也

邱澂翠號二齋邑城北石辛鎮人少爲名諸生鼎革後不復謀進取著有平心說四書淺註小子吐真及彈詞多種皆久軼無存其生平行事據世傳述類多跡近儂薄之舉民初志謂其以品以學兩皆有當或亦賢者身處國變而故爲此玩世不恭乎然續修廣饒縣志

卷十九

人物志

鄉賢

二十九

濟南五三美術印刷社承印

後之覽者勿徒慕其才華尙其以中行爲與歸焉可

孫三錫字懷萬一字悔菴太僕寺丞三傑之弟世所稱孫孝子者是也少爲邑名諸生鼎革後隱居教授以歿其生平行誼犖犖大者父歿終喪不入私室事母病以精誠格天母歿廬墓六年教授生徒一遵白鹿洞遺規著有訓蒙大義成御史勇爲之序見藝文刊行孝經近思錄諸書以啓後學倣朱子讀上蔡語錄法以大學演義性理大全朱子全書分授各子弟生平口不言人過亦不喜聞人之過勇於施濟凡邑中義舉衆力所能爲者必先之衆力所不能成必後之先後捐貲以累萬計如設義田建社倉立鄉塾掩露蒔助人婚喪重修學宮不可殫述而置學

田以膳諸生都數百頃剏修草橋長堤延十餘里爲尤著一時有成氏父子孫氏兄弟之稱成氏父子者御史勇侍郎其範孫氏兄弟者三錫與其兄三傑也子宏喆自有傳

王大猷字允升邑人也風格凜然言笑不苟學問淵博尤長於詩著有遯山堂詩集二十餘卷蓋亦明生員而入清不出隱於誦讀者也

民初志曰舊志云邑人物以明之季世爲最盛不獨學問事功卓絕一時其氣節品概亦令人悚振使生今日或且迂僻日之獨不知百世而下能與所稱迂僻者爭載籍一日之光究竟疇某耳又曩讀清人所著先正事略各事凡有明遺老若孫夏峯

續修廣饒縣志

卷十九

人物志

鄉賢

三十

濟南五三美術印刷社承印

黃梨洲諸先生率牽合附同羅爲覺羅氏開國械樸此或逼於一時禁忌而揆以殷三仁晉徵士之例究不鑿故茲自王大猷孫三錫凡舊之以清列者今皆錄入本編以爲士之尙氣節敦品概者勸焉

清列傳中

紀才忠邑人於順治康熙間爲任俠尙義有古程嬰杵臼風邑先正李煥章爲之傳曰鄧于邑爲大姓擁素產封飭冠劍車騎與諸縉紳先生遊任俠解里中人困厄所謂富而好行其德者也至匡翁更倜儻通敏家益饒用其貲入太學與天下摩切歸而治園囿潔庖厨結賓交廣大體氣勢食指動數百千而龍岡爲

入幕客甚豪爲匡公決最疑難事匡翁恒說今古俠烈龍岡輒奮袂曰吾當孟嘗信陵時則何如衆大笑龍岡曰若莫笑會令若唏噓悲也匡翁歿里中盜大起先是盜中有與匡翁友人鄒者疑匡翁爲之力因以圖鄧氏孤爲事是時匡翁子顯卿在總角避仇出走江南北中州山右黃榆塞上風濤沙磧兵革險阻間龍岡以其身護者十年所羣盜察龍岡有強力才幹龍岡又常偕諸捕者出羣盜不意縛其最兇渠某以故羣盜愈忌而畏之遇諸途次群盜繞龍岡三匝呼曰知君健者願自此與君解各事事遂拉之巢中進一卮曰請以茲爲盟息壤龍岡擲之地曰豎子吾豈飲盜泉水者幸殺我吾即儼然爾輩飲也其如主續修廣饒縣志

卷十九

人物志

鄉賢

三十一

濟南五三美術印刷社承印

人壙下何幸殺我群盜怒欲殺龍岡忽巢中鬩動謂捕者至捕者大至羣盜各踉蹌去顯卿泣讓龍岡何不佯許若幾搏虎口龍岡謂吾性慤不習謾語吾不暇計吾生死也顯卿壯歸龍岡佐之捕擊里中盜且盡具楮幣錢奠匡翁墓上龍岡姓紀氏名才思邑之東王鎮人

孫宏喆字仲吉明諸生三錫子也以順治六年進士授知廬江縣時當鼎革之初城垣廨宇皆毀於兵火宏喆至繕女墻設重關置縣署築滾壩瘞城內外棺骸立養濟院以收孤老旣重修學宮復廣立社學以教士朔望親臨考核又修輯邑志在任數年百廢具舉以海寇犯城率先堵禦死士民悲之爲立主社學

孫希爽字無逸一字果齋給事三傑子以歲貢授知吳堡縣勤恤民隱剔清吏弊有父風後以里悞歸里年八十三而終

尹從王字含美一字約齋順治壬辰進士授嘉興府推官讞獄平允發奸摘伏如神釐剔漕弊立官收官兌之法浙西至今遵行勿替後以失出繫囚鑄秩歸里康熙十九年起補山西芮城令甫下車罷城守鄉夫芮人德之申議流民不得派修鹽池哀鴻始得安集計典卓異晉雲南彌勒州知州以疾卒所著有學圃集五卷行世

連應鄭士雅子順治十五年進士康熙九年爲永清知縣永清縣志稱其持躬寬厚賦無苛急刑多平允莅官四年以吏議去歿

續修廣饒縣志

卷十九

人物志

鄉賢

三十一

濟南五三美術印刷社承印

後舉入鄉賢祠

按李方膺志選舉志作岳州推官但推官一缺於順康間奉裁府志特載列永清事蹟或知永清由岳州改補歟不可考矣

成其範字洪叙一字愚崑順治戊戌進士明御史勇之第六子初授直隸保定知縣以治最行取考選監察御史言路錚錚甚著風紀出按兩浙離政陞通參歷太常晉少司馬爲人魁偉端重聲如洪鐘而精於數學機祥頗能先事言之年七十二以壽終成其懋字勉齋生慧甚倜儻有大略年七歲每聽父侍御公講古今賢奸理亂之故躍然起舞侍御公奇之弱冠補博士弟子員文名震耀郡國間值父建言逮繫懋偕其兄若弟侍養園室三

年無倦容時黃道周亦在理每語人曰有忠臣必有孝子觀之侍御家良然後隨父崑崙終其身蝸廬集懋亦與有勞焉誠士人之杰云

成其謙字萬服明侍御公勇第四子性倏儻不羣博稽古今書文名甚震受知當代名公卿貢太學當御史公憤武陵奪情上疏繫獄時萬服囚首囚服上書諸公卿訟寃後隨侍御史成所盡交東南諸名下性好遊澹於進取晚歲棄家芒鞋藤杖峩眉青神時見遊踪然未知所終云

成其愿字讓木明御史勇之幼子而少司馬其範同母弟也以康熙癸酉舉於鄉初兄其謙有遺世想棄家遠遁其愿戚然爲廢續修廣饒縣志

卷十九

人物志 鄉賢 三十三

濟南五三美術印刷社承印

寢食遂偕一老僕尋之崎嶇山右川陝間者數載凄風苦雨履敝踵穿意不少阻其篤於天性如此

劉毅志字朱霞邑城之西門街人一龍子也天性孝友親喪哀毀骨立與兄某情誼尤篤終身無閒言以順治十八年進士授知廣東之大埔縣有循聲以卻寇功得優叙事未及上而卒

郭心印字印月邑人也性豁達有大志而篤於倫紀事繼母以孝聞順治間以選貢授知直隸之滑縣革弊除奸墾田興學一時稱廉幹吏奏最擢江西贛州同知去之日滑人尸祝不衰云

劉學亮字際明邑人也順治間以歲貢授知湖廣之長沙縣時湖廣初入版圖長沙以首縣當軍需交錯之餘凋瘵特甚學亮曲

爲撫綏安集供役無缺而民亦日蘇稱循良焉後以病罷歸
陳鑾邑諸生事親孝持己嚴見義必爲導人以善凡鄰里有爭執
者鑾以理解之其人終身愧悔曰母爲陳君所短也一時稱爲
善士

牛化麟邑諸生性好施予雖貧約衣食有所餘輒分之族里中無
告者學行純篤克裕後裔

張聖恩邑諸生慷慨周急遠邇稱之

景運熙候補州吏目居家孝友樂善不倦助人婚喪之事不可枚
舉稱邑之長者

劉三擢邑諸生居家孝友並以孝友作爲家訓生平樂善不倦輕
財好施

續修廣饒縣志

卷十九

人物志

鄉賢

三十四

濟南五二美術印刷社承印

劉三揖邑庠生性純孝躬行廉潔有司屢獎之

王家徵爲人淳樸仗義疏財邑士大夫爭嘉與之

馬可駿邑諸生事繼母以孝聞煮粥賑饑生平多義舉有足風者
鍾補袞邑諸生性孝友生平無疾言怒色謹守家訓五世同居爲
邑之義門

顧良擎邑富室也其母失明擎操杖扶掖終身無頃刻離遇歲凶
其母命散財周急以至毀家無愠意亦無德色壽八十而終

吳國屏邑歲貢生平生孝友見重士林

劉玉聲昆季三人終身和樂無間邑令李方膺嘗額其居曰荆樹

堂

宋彥賓邑石工也窶甚母日雙鬢每夕露禱積十二年不衰母日少開遂茹素終身後鄉里欲舉孝行彥賓涕泣卻之

馬四德字欽若邑之西關人家無隔宿糧惟恃晨興檢糞樵採積以易食然甘旨之奉有富家所不及者凡十數年如一日乾隆十年邑令傅公額其門五十一年邑令楊率士紳醵金表其墓李顯白字素子邑庠生也生順康間家距城東南二十五里之李家橋莊性嗜學居常手一卷或廢寢食而尤以躬行實踐爲務初親死貧無以葬顯白痛之凡十年不葺其所居之室其篤於天性類如此故一時稱其孝行

續修廣饒縣志

卷十九

人物志

鄉賢

三十五

濟南五三美術印刷社承印

李蘭芳純孝尙義母以五月五日卒屆時輒悲不自勝終身不食角黍見必泣下里黨爲廢端陽節又嘗鬻產爲里衆遍償逋賦人咸義之又先後以孝稱者曰李顯曰李倬顯倬皆生員

青州府志

趙承宗字丕承性孝友父嗜魚及父歿終身不食魚膾事繼母尤恭勤懇至與諸弟析產凡百取其薄惡卒年一百一歲

王應諫持身廉潔拾金不昧邑令旌之

程玉字佩之邑人爲真定縣丞父歿哀毀逾禮事繼母以孝稱諸弟傲玉友愛甚篤皆感化焉

青州府志

李統邑人少孤潛心嚮學不羨榮利日暮必詣先塋展拜里人皆

爲感動

青州府志

任恭邑諸生少折節讀書常慕古人行事一日行野得遺篋候之
竟日其主至悉還之其人告以姓名里居恭曰吾不願聞也他
日遇於市趨而避之平生孝義廉靜大約類此邑令請飲賓堅
辭不赴年八十三而終

李守忠邑之李家橋人少孤家貧隻身無依流寓泗水以祿馬術
自給值兗營召募補伍饒勇略會耿精忠反福建勅楊大將軍
往討之楊調兗營三百人守忠與焉至戰仙霞嶺諸處斬獲獨
多主將嘉其勇敢召至帳中問計守忠謂吾客兵也必立奇功
乃可動大將軍精忠愚怯依吳三桂爲聲援當騰捷書於路使
精忠懼而聚兵屯福州則浦城建寧可得也用其計果如守忠

續修廣饒縣志

卷十九

人物志

鄉賢

三十六

濟南五三美術印刷社承印

言楊大將軍乘勢攻之精忠請降守忠以功次授千總後隨攻
長沙長沙者賊大軍所困守地屢攻不克楊大將軍檄諸軍登
陣退者斬以徇守忠免胄奮梯具躄一足在睥睨外搖搖欲墜
卒接禦者槩以登面中傷血淋淋弗顧也大將軍喜錄其功以
上部吏索守忠金弗與乃緩其選期守忠憤乃異服爲黃冠以
祿馬術自給比返兗州始以攻長沙功奉旨以游擊將軍用云

據織齋
文集

陳荀會字星占邑城之東門街人也幼有異才試必冠其儔伍縣
人李煥章者一時名宿而鄉前輩之泰斗也於人少所可獨與
荀會訂忘年交舊志稱荀會嘗讀書山寺夜聞鬼哭牀下不爲

動其剛正可想以康熙甲戌成進士時兩親已垂暮苟會不忍
遠離遂絕意仕進終養於家著有石琴秋風等稿載藝文

鄭直字震字性端方敦大節嘗有焚券一事爲鄉人稱道弗絕至
其禔躬接物人以比之康成不爲過也

李鍾秀字岱生邑增廣生員家素封樂行義事康熙丁卯出貲三
百貫修草橋路行李便之甲申歲饑出餘糧數百石以助賑辛
丑又大饑乃爲粥蒸糲以別男女而續食者凡三月饑民賴以
全活者無算戚里中貧不能婚喪不克葬者皆次第助成之故
一時稱爲首善云

王之佐邑諸生嘗罄貲修八不居士墓人咸義之

續修廣饒縣志

卷十九

人物志

鄉賢

三十七

濟南五三美術印刷社承印

鞏延年好善樂施康熙四十三年煮粥救饑家產幾盡不惜

李世臣輕財好施乾隆四十六年捐金助賑邑令旌其門

李躍龍邑人也家素封輕財好施推解周給無間遠邇親疏爲人
所不能爲如分遺宅以惠同胞代贖鍰以恤故友凡此之類不
可殫述尤禮重文學士家塾必延名師邑中俊髦不時招致必
請得而後快

張兆雲邑歲貢生也爲人溫厚和平居家有盛德之稱嘗官武城
訓導俸入外一無所取諸生有饋者輒峻卻之

鄭筠字友松明利津訓導時俊之孫嘗訓導武城學宮圯以私財
修葺之躬行訓士有祖風

劉福興邑城東較北不二十里之段河莊人也年二十七以家貧
傭作於外父宗海忽遭重疾福興聞而馳歸省視已危篤水漿
不能下者數日一日稍清醒呻吟間亟思肉食時皇遽苦無所
得福興乃乘夜靜出舍旁隙地跪而禱天持刃自刳其右股入
者盈寸以鈍不能絕復跪禱迸力刳之得肉如掌大促兄嫂烹
之以進兄嫂爲驚痛戰栗者移時母覺更相持泣下福興急戒
以勿聲父食訖輒有起色翌日遂大愈詰肉所由家人飾詞以
對福興則潛養他室後里黨有知其事者競相慰問父始悉而
大痛於是衆上其始末於縣縣主親臨嘉歎者久之時康熙十
二年五月初七日夜也旣而父以他疾卒福興廬於墓者凡三
續修廣饒縣志

卷十九

人物志

鄉賢

三十八

濟南五三美術印刷社承印

年朝出執事必跪墓前曰父無恐兒去去即歸至暮復跪墓前
曰父無恐兒來與阿父作伴矣終始如一日人因稱其所廬處
爲孝子臺至今傳之當其時邑人士爲之叙載傳著者甚衆今
以文多不錄

宋基字子厚其先世爲河南商邱人遷於樂安凡數傳至子厚性
任俠而果敢操行廉介磊落不苟其庶弟墳以年少遊蕩破產
流落在外父甚念之而口不言子厚躡蹻擔簦不遠千里訪之
以歸後墳亦改悔刻勵復業焉里中有張氏女爲鄰邑豪奴所
逼強委幣而復賄脅之子厚爲之代鳴於郡事得白食餼於庠
年未五十輒棄場屋徜徉山水間長子鎬登雍正丙午賢書人

以爲修德之報云

劉觀生字秋水邑大埔知縣毅志子生而異敏及長博學能文章而尤工於詩當明清之交吾縣之以詩名者無慮十數然自徐參軍太拙以降若浮玉織齋簡菴諸先生率有明遺老獨陳進士荀會最後出以風雅爲康熙一朝之冠而觀生其高足也其時徐先生已客死南中獨織齋以耆宿與陳進士相唱和稱莫逆交見觀生作則大驚喜後起之有人也亟爲序以贈今織齋集中所題贈影山堂劉子秋水新詩序者是也新詩云者蓋於時觀生之於詩甫肄業及之影山堂云者則觀生家自大埔君闢以爲詩酒讌會之居也其後織齋與陳進士遂時集影山堂續修廣饒縣志

卷十九

人物志

鄉賢

三十九

濟南五三美術印刷社承印

又與觀生成莫逆焉故集中人有所謂影山堂雅集記者用此知當時吾邑人文之盛與先進之所以提倡延接其後起者事皆有異於尋常而觀生之所以爲觀生與觀生之詩之所以爲觀生之詩即亦概可想見故詳次之觀生康熙丙子舉人生平所爲詩甚富惜多散軼今所存曰城南詩者纔一卷云詳見藝文

張漣字連水邑廩生德行文章堪爲模範前方伯衛公旣齊造士白雲書院標爲校長所著詩文集甚富雍正己酉其孫永熙舉於鄉人以爲家學云

李化龍邑諸生淳謹端方長於訓迪邑中名士皆樂就正焉凡延

良師教子弟者皆爭贊之羣推爲一時師範

馬作肅城南黃坵人康熙丙戌進士知河南尉氏縣忽興葦鱸之思援例改補安東衛教授於經書疑義輒多發明著述頗富而不輕於示人蓋得名山之意焉

甄馥字芳蘅歲貢生居家以孝友聞嘗著六要二勿以規箴子弟人傳誦之稱曰甄氏家訓

蔣萼字素心端方正直嘖笑不苟屢以古處自期而不求諧俗蓋有道君子也

鍾時發字啓秀邑城西不五里之鍾家莊人也康熙辛未歲貢歷官汶上文登各縣教諭既而改補縣丞授河南光州固始縣軍

續修廣饒縣志

卷十九

人物志

鄉賢

四十

濟南五三美術印刷社承印

糧廳職司水利勤疏通均夫役除陋規會山水暴發時發懸賞促救活男婦以千數士民戴德上憲聞而嘉之雍正九年擢授江西吉安府之永寧知縣造士撫民善政尤多巡撫謝方擬首薦因病乞休去之日父老攀轅塞道有泣下者士大夫翫爲之歌詩以送家居足迹不入城市初在官於常俸外一介不取至是家無儋石而時發不爲意也

鍾一魁字振東邑城西不五里之鍾家莊人也少失怙恃時諸弟皆小弱一魁撫以成立友愛名一時既而諸弟復相繼先一魁卒遺孤甚衆比一魁所出不啻倍蓰長而析產惟均人稱其難有貧民韓姓者以逋賦急迫而鬻女於某富商後聞富商某之

婦悍妒殊常人也相持而泣一魁詰得故出橐金贖之並助之
奩俾擇婿而善遣焉遠近尤豔傳爲不可及云

孫弘敬字毅公邑城西南李大莊人也生平見義必爲樂善好施
嘗煮粥以饋饑民子士貞自有傳

孫士貞字幹臣弘敬子仕至四川夔州別駕將之官曰吾不忍以
家口之衆累民僅以一僕往時年甫十八云到任數月會火災
民居延燒殆盡士貞爲捐資修葺之有梁山劣衿與奸徒串訟
久不決上憲委以聽斷立燭其隱人頌神君未幾以母老乞養
歸遂不復出

孫士奇字靜子父母早歿常以不得逮養爲恨每歲時必號泣於
墓事諸父如所生久而不倦其仲伯希爽令吳堡時以挪帑被
糾士奇亟出金助之諸父咸義其舉償以公產辭不受曰伯父
猶吾父也吾固將以不及事父者事之其孝友如此

孫士久邑諸生吳堡令希爽之幼子也少喪母祖姑與二寡嫂撫
育之及長折節讀書奮志欲光前人事業故持躬處事皆有先
民遺範數奇不偶識者常致惋焉

孫士長孫士亨三錫孫也均純孝母喪哀毀逾恒廬墓三年至誠
所感有雙兔馴然依人尹從王爲之賦麟趾

宋鎬邑城西北十二里之大相村莊人也廩生基之子雍正丙午
以選貢中順天舉人官廣東瓊州府同知著有易經全解四書

詳解

宋桂大相村人乾隆庚子舉人精醫術著有女科真傳瘋症集要
痘疹集要

孫振東字道南邑人也少穎悟博涉羣書初嘗以病誤童子試自
謂藝在必售因竄入接壤之臨淄籍既而果冠其軍後以躁競
爲悔曰始進之不端縱遠到其何爲遂棄去而一肆力於詩古
文詞蓋勇於改過人也著有秋陽稿暨四書本義各若干卷詩
集二卷今多散佚

張永和字節亭邑城北不八十里之辛集莊人也乾隆三十三年
舉人授知荆溪縣荆溪地多沮洳歲患水永和相度形勢疏通
續修廣饒縣志 卷十九 人物志 鄉賢 四十二
而引導之民獲其利擢授太湖水利同知年五十九卒於官

田俊臣字克久邑城東二十五里之田家莊人也乾隆辛卯武進
士初官寧波衛守備歷廣西麥嶺營都司提標後營游擊中營
參將俊臣雖以武起家而好學能文章出入提督蘇公墓府者
十餘年一時章奏多出其手有知人鑒所識拔率由微賤而奮
致通顯若麾下卒黃金以平回匪首功授提督其較著者也嘉
慶四年覃恩特授武翼都尉署平樂營副將時廣西亂俊臣請
督勦晝夜摩畫以勞卒事聞贈恤有加

田殿臣字佐君號謬廷乾隆丙子丁丑連捷武進士由御前侍衛
仕至山西寧武參將治軍尙嚴然威愛兼施所至有聲誥授武

義大夫

張二南字紹詩邑城直北不八十里之辛集莊人也乾隆五十九年舉人府志稱其少聰穎於書無所不讀才名冠一時選即墨教諭課士甚勤執經請業者若塾師然

張世法字舜天邑人也生乾隆中性孝友好善樂施生平義舉甚多鄉里稱之會大水世法負母攜子以避子忽脫手逐水去世法以負母不敢釋但祝曰止止果無恙人以爲孝行所感云
宋萼芳字華軒性純孝幼業儒有聲以親老不忍遠離遂布衣終身咸豐辛酉爲捻匪所虜欲降之萼芳以雙親在堂泣乞終養匪感其義釋之

續修廣饒縣志

卷十九

人物志

鄉賢

四十三

濟南五三美術印刷社承印

李蕙字百樹號守拙邑城東南之梧村莊人也生乾隆中爲諸生澹於進取好山水遊凡吾東名勝足跡殆遍居平以詩文自娛有隱君子風焉

蔣權字子持號丹山邑之北關人清乾隆間名諸生也弱冠時即以優等食餼旣而屢躋秋闈遂絕意進取以吟誦自娛著有詩經講義書經標題古字譜丹山詩稿而尤長於詩性嗜酒醉後能引筆爲徑尺字超拔絕倫其墨蹟邑人士至今寶之

陳紀字立綱邑城東門裏人恩貢生精書法敦品行在京與黃公良楷訂盟及黃宰本縣強公勳佐革除一切宿弊著有涸魚集

詩稿

焦執中字子允城西南大張莊人乾隆間以增生有聲庠序性慈惠樂施與於士之貧乏尤力資助作成之家素封設教於家不較贄或加卹濟焉有族弟建中者從受業之次年其繼母勒令退學執中以其才之可造也約不取其贄母不可約衣食之比親昆季仍不可卒乃許以並贍其家若給值而僱建中爲傭者始獲允執中教之凡十年建中果學業成就名重一時及執中卒建中執禮如喪尊親並爲文哭述兩人相與之始末有同姓鮑叔之感里之人至今傳誦之

焦建中字正萬執中族弟也邑廩生幼遭繼母之變備歷艱苦事詳執中傳長窮於遇雖學行高古然屢躓秋闈故絕意進取慨續修廣饒縣志 卷十九 人物志 鄉賢 四十四 濟南五三美術印刷社承印然以著藏爲懷衣食雖時不給晏如也生平著述甚富當時有以重金市之者不可旣而以無子繼承散軼殆盡今所存惟經典輯略荒齋詩文草各若干卷見藝文

張兆鵬字一士邑城北七十里之辛集莊人生平讀書不爲俗學務以明理術道爲歸乾隆中著有四書問答麟編辭旨簡明使人易曉嘗云著述之事辭愈多而愈雜理愈駁而愈亂蓋本聖人辭達之旨以立言者

趙良儉子作棟附邑城東之趙王莊人富而好施乾隆間教諭黃君渤

旌其門子作棟克承家傳濟人急難有父風時有姑媳甚愛以窮餓故婦勢且他適實難全活作棟助以錢米俾得終全士論

高之

曹汝爲字君儒好善樂施出於天性雍正八年淄水暴發邑城適當其衝衆議防堵而土木猝無所出汝爲急撤墻屋應用始得免害事聞得獎任本縣農官在職十餘年績多可述

郭洪圖字肇基邑城直北不八十里之牛郭集莊人也嘉慶十年捐地爲邑書院膏火凡百畝事聞賜御前官秩同八品額其門曰恒產膳士士林至今頌之其後又有李維獻與柳雲章之妻張氏者亦皆捐書院膏火地若干張氏以節孝見列女李邑城西南之李鵠莊人

劉渤字東溪邑城直北不八十里之劉家營莊人也生而有至性

續修廣饒縣志

卷十九

人物志

鄉賢

四十五

濟南五三美術印刷社承印

父某以端午日卒時渤年方六歲哀毀若成人終身不食角黍母李每撫之而泣渤即亦泣曰祖聞母哭輒廢書歎母由是不復泣及長補諸生益致力色養孝行不可殫述會舉孝廉方正縣令學師皆曰渤渤固辭旣歿嘉慶二十三年縣人上其事於有司請旌焉賜字孝行可風崇祀孝義祠

王激浦字鄰湘號荆山城東蔣戶莊人嘉慶中入邑庠生平敦品勵學輯有集古訓居家要言各書著有隨風草荆山碎玉等雖文不高古而自得自樂之趣有足多焉

劉蔭榮字棗門號介農道光辛卯舉人甲辰大挑一等揀選知縣改就教諭歷青城滕縣教官學行高一時邑名進士隋藏珠終

身師事之工詩惜藏稿久軼

龐樹聲字風遠邑城東二十五里之龐家莊人也生而有至性甫
成童即凡事克承父母意父湛露邑諸生晚歲多適情撈捕或
食時不歸輒就餉之貲少虧輒暗實之間往外村薄暮必迎於
途有姊適蔣氏苦貧父母不能無念而樹聲饋遺往來未嘗俟
兩親之形於言動於意也既而姊之舅姑歿遂迎養於家並竭
力周卹卒稱小康焉世父某遺一女樹聲待之比其姊母歿於
荒年之春及麥熟樹聲不忍食每飯必雜以糠稗服除乃已初
庭有子母梨母所植也至是日攀以悲號踰年而梨竟枯死及
父之歿未葬日夜居棺側既葬遂廬於墓所寢以一橐餼食必
續修廣饒縣志

卷十九

人物志

鄉賢

四十六

濟南五三美術印刷社承印

蔬素如居喪儀凡三年親友挽之始去事聞得旌曰順德可風
事在嘉慶中

楊建平字昇菴邑城東北二十五里之草橋莊人也生而至性過
人少失父事母以孝稱母病湯藥必嘗寢食俱廢比歿哀毀骨
立終葬而病遂瀕危守者欲進以水米而口已不能入爲易其
麻葛而臂已不能伸尋卒事聞於官知縣李表其墓曰德先百
行教諭黃爲之詩有至性貫終始到死益非假之句訓導王贊
以典型所樹永垂不刊事在嘉道間迄今斷碑猶存

張振三字冠軍一字叔玉號杏舫邑城直北不六十里之百戶張
莊人也道光乙酉拔貢甲辰以第二人領鄉薦天資英敏學問

深遂爲文有大家風範後官江西之金谿縣多惠政人民爲之立生祠

隋藏珠原名藏朱字松心別號龍淵道光甲午乙未聯捷進士由戶部主事晉升郎中充癸卯會試同考官所得十三人多名宿時鑄鐵錢委公監督設局山西河底鎮嚴禁擾民民大悅回京餞送者六十里不絕補授建昌府知府絕苞苴首縣餽筵豐潔却之謂留與難民數月吃著不盡聞者感泣粵寇撲郡公設策抵禦農樵如常復調兵敗之境上理訟獄準情酌理不專以法有老嫗愬其姪夫婦有忤公授嫗以杖令責姪及婦謂非大罪不欲尋辱以官刑也曾文正公知公才特檄總辦糧台民間其

去如嬰兒失母攀留餞送一如去河底鎮時行至太平橋留衣話別因改橋名留衣在任數月其感人如是到營後餉奇絀公悉心籌畫士以不饑奏獎公以道員簡用以是積勞成疾尋丁父憂辭職曾以軍例留之不可力疾歸三起三辭卒終制其出處之正如此公接人以和然是非所在雖權貴前侃諤不少屈在戶部時或議添鑄當千大錢裁減原鑄工料公爭之議設官銀號謀利公又爭之在建昌時當事欲增糧價徵收濟餉公謂瘡痍未復烏可再病民在營時或欲於兵銀每兩取百文利公上說帖千餘言謂必不可行雖其說有從有不從然卒皆應驗如公言性嚴正惡言利獨愛書成癖積至數萬卷日引後進講

經義疏通四書大字不專主舊說聞者無不如夢初覺卒於同治五年壽五十四誥授中憲大夫崇祀鄉賢祠子三長摩訶季摩詰皆庠生仲普題舉人出嗣叔父所著四書舉隅史屑與石居詩文草建昌學治錄及詞曲數種藏於家見藝文

于葵午字心齋邑城北四十里之來家莊人也性長厚生平不解人世有欺罔事篤學敦品以德行文章稱一時守滅明之戒先後邑侯重其爲人欲求一面而卒不可得胸次豁達於物無不容嘗書姚端恪公句示其子曰常覺胸中生意滿須知世上苦人多隋龍淵先生爲邑近百年來泰斗獨推服其爲人嘗贈聯云和氣包天地以外大文集古今所長可概知其爲人矣咸豐續修廣饒縣志

卷十九 人物志 鄉賢 四十八

乙卯舉於鄉官寧海州學正躬已講學諸生悅服卒於官諸生扶柩送者以百數

劉序三字賓賢嘉慶中歲貢授臨邑訓導至則擇士之俊者置之學宮日督課之秩滿衆爲繪春風圖以榮其行

田耀祖字勵修邑城東二十五里之田家莊人御前侍衛殿臣公子殿臣由侍衛仕至山西寧武營參將歷官數十年耀祖輒隨侍衛殿臣御軍嚴耀祖佐之以寬軍士蒙其恩有感激泣下願生生世世爲臣僕者雖生長富貴而循循如書生生平澹於進取惟篤墳典以吟咏自娛著有四逸草見藝文

成思泰字嶽東鄉諡直懋先生邑城東北十五里之顏徐店人儀

容軒昂性豁達仗義疏財恆以古人自期許凡鄉中義舉衆力所不能爲者輒出貲助之爲人排解不惜以財濟其事道光二十一年更遵父遺囑捐修興遠鄉學並置膳田數十畝咸豐五年以義士旌准建坊六年入祀孝義祠著有省世舉要藏於家二隋合傳

隋獻書字麟圖隋廷梅字福五協同捐貲建義塾置膳田一族貧者得就學富者有所勸隋氏科名書香遂爲邑冠嗣因飢出積款濟族人曠十餘年麟圖曾孫福五曾孫纘成先志將昔所建義塾改作樂安縣公立第二小學堂稟明立案

賈昌田字友文俠義有大畧不屑屑升斗筐篋計憫子弟不能向續修廣饒縣志 卷十九 人物志 鄉賢 四十九 濟南五三美橋印刷社承印

學遇事惻然於光緒二十二年出千數百金建義塾一區條列學規修脯膏火俱有定制邑人士爲呈明存案立石紀事挑新清河之役南紳嚴公初至詢問河道形勢一時無能言其詳者公爲條陳方畧上下游皆瞭如指掌南紳用其議費省工速高博樂免於水患公有有力焉

周懷興字愚齋邑城南偏東二十里之後賈莊人也少孤事母以孝聞母宋氏以節蒙旌表見列女初母以痛其父之早卒積有心疾當睡輒驚悸夜三四作時懷興方四歲與母抵足臥每作輒飲泣呼母曰兒在此凡十數年如一日及授室其將作輒先時立門外飲泣以呼比兒時終身不怠母歿廬墓三年以光緒

四年知縣崔詳奉撫院文彙題經禮部核准建坊旌表五年奉旨依議當是時士大夫多徵爲詩歌今以文多不錄又嘗割膏腴度爽塏捐置義塾一所亦遵母命也知縣屠公手書額其門曰節義可風而該義塾遂定名爲節義鄉學云

按民初志載前代捐產設學者自元義士程鵬後復有右列五人亦云尙矣宜人之高其行而重禮其後至於數世不衰也入民國各氏義塾均遵章改辦學校先正遺澤流光未湮繼世而光大之非厥賢子孫責哉乃據今所聞除成氏隋氏尙循規邁進外餘已楓葉霜花零落殆盡殊令人原其故而重致慨也噫宋蘭芳字木舟一字伯舟邑城南偏東不二十里之祥吉楊莊人

續修廣饒縣志

卷十九

人物志

鄉賢

五十

濟南五三美術印刷社承印

也咸豐壬子優貢著有太極二至圖洪範二至圖芙蓉館詩集均海亭文字記凡數十萬言其於學博大宏深橫絕一時若辨析名理考定古今亦多發諸家未發之蘊吾縣自愚谷太僕後一人而已然天資固不甚敏生平所詣皆得之以專初授讀日不盡三數行長學文爲一藝必環誦者三數日而凡所已記輒終身不忘蓋束髮以迄垂白竟日一卷不暇其他嘗以不戒火延其讀書之室蘭芳偶顧見之詔及門呼家衆撲治當是時人聲鼎沸蘭芳伏案若未聞見者

成希忠字黼臣芳澤父而進士象乾之祖也以家貧且讀且行賈嘗以事赴郡午餐某店有丐者求食飽之而並給以錢丐以姓

名疇某問曰一飯耳不求感德何問爲丐熟視之曰善人也遂去後數年會由郡跨驢歸宿曠野羣盜自暗中擁出希忠墮驢聲喊一盜聞聲持火審視之曰恩人也凶年多盜奈何攜資夜行因遣去其衆爲策驢護送者十餘里予以錢不受問其姓名不言曰此公爲善之報吾之報恩乃適逢天道昭彰吾亦從此改行矣蓋即曩所飽食之丐者也性篤厚而嚴於制品里黨或有所互爭得其一言立解子弟之狹邪若衣冠不正者不敢過其前家規凡年逾八歲非疾病不得日出不起

成芳澤一名延齡字菊坡號癯仙邑城直東不十五里之成家口人也性踈弛不羈而勇於赴義遇人所不敢爲者輒毅然任之續修廣饒縣志 卷十九 人物志 鄉賢 五十一 濟南五三美術印刷社承印

以故人皆重其志節初郡城有松林書院者爲青十一屬師儒講會地頑惡衿紳侵漁蠹蝕幾廢者數矣道光中知府楊捐廉四千兩貸當商生息以備膏火會咸豐辛酉捻匪之役郡城衿紳移以練團城守事平延不籌補芳澤旣傷且憤同治癸亥遂呈請於學使者甲子秋更以上訴藩憲時酷暑往反七八百里徒步烈日中知交勸緩不應也旣而復冒風雪嚴寒由青赴濟者再三卒得直由是闔郡戴德爲醵貲碑其里門

成象乾字子健亦字自鑒沉毅詳慎勇於爲義學以古人爲期尤究心於當世之務幼苦貧每先樵採以供爨而後入塾十三歲父令輟業赴青郡傭繩工餬口賴父執力得復讀及年十五即

以館穀養親篤盡孝道光緒甲午成進士以即用知縣籤分福建竟以伉直不爲疆吏所喜發志以歿方其遊學歷下與當世名流角勝詞壇聲名藉甚前後主講習者皆林下鉅公往往以國士相待乃需次閩粵不獲一試所學人甚惜之其在閩日記瑣記皆時事利弊所關與夫立身行己之要今存於家

劉逢年字如齋邑城東南不十五里之韓家莊人也道光乙酉舉人官蒙陰訓導性活潑才思敏妙每朋輩飲讌於譁笑戲謔迭互酬酢中或鉤棘爲令急就成章刻燭擊鉢無不應時立就巧稱莫階著有詩稿六卷雖鍛鍊未精而清新俊逸自是才人之筆原名逢場作戲蓋亦偶資陶寫則其繩墨之不無少疏也固續修廣饒縣志

卷十九

人物志

鄉賢

五十二

清雍正三美林氏局印

宜今爲定名曰如齋詩稿而於藝文存其目

李慕淳字尙質邑城西北十八里之寨莊人性純孝事親法曾子每食必具珍饈將撤必請所與昏定晨省雖寒暑無間父歿哀毀骨立母氏蔣享壽極高公年八十猶孺慕依依察母有憂其年邁體衰意乃每侍母飯陰納食袖中以示食多而體強也一日效稚子舞蹈以娛親誤顛傷腰隱忍弗言託故赴城療養愈而後歸平居赴親友筵席有珍品異味爲母所未曾嘗者間懷以歸奉母一時傳爲美談後其母享年一百有三歲歿之日公以八十老叟盡哀盡禮喪葬畢又年餘始卒洵古今所罕見也牟周邑城直北不二十里之甄家廟莊人也家赤貧而篤於天性

父某早卒周與母乞食自活得食必擇其少精或新潔者以奉
既而母以病苦寒時方隆冬周輒盡所衣蔽覆藉之而裸守其
旁遂凍死里人至今稱道之以爲難

許維翰字文彥邑城東北不四十里之大馬頭莊人也力學工書
性孝友咸豐辛酉捻匪犯境掠及其村時家人皆走匿獨維翰
以負父後遇匪於門父某豐於貌匪意其富家翁執而拷索財
物維翰長跪號泣乞以身代匪義而兩釋之其後父以病痺委
頓牀席者凡數年維翰晝夜服事無倦容里黨欲以孝行上舉
堅不可曰分所當盡豈沽名哉由是人益重之

許光祚字裕齋嗜學慕義少失怙恃依兄嫂成立光祚事兄如父
續修廣饒縣志 卷十九 人物志 鄉賢 五十三 濟南五三美術印刷社承印

事嫂如母兄某性嚴急同居四十餘年終始無違言既而丁衆
析爨給產一唯兄命人或竊竊私議光祚解之曰吾非慕卜式
薛包之爲矯情鳴高但吾終年讀書未嘗一事生產凡今皆兄
之賜所獲已多矣里人馬某者貧而有幹才遇事爲衆所倚後
以歲饑將遠出光祚以百金贍之並庀材爲葺所居遂止因而
致富欲有以厚償光祚輒召之來而焚其券焉

燕兆祥字考亭邑城東偏北不三十里之西燕莊人也父士寬早
歿奉母許氏以孝行著咸豐辛酉捻匪犯邑境兆祥與長子學
詩負母避鉅淀湖中賊躡至逼湖大索許氏知不免曰吾老矣
汝輩可速自爲計兆祥泣曰母在此兒復何往學詩亦環泣不

去匪欲擁以行兆祥伏母側不肯擊之屹不動匪怒並擊其母兆祥與學詩挺身翼蔽被重創仆旋起卒翼蔽之如故匪義而釋之既而匪去遂父子番替負母以歸里黨高其行爲釀貲立碑通衢云

孟傳賢字德升邑城北偏東不十五里之杜家疇莊人也生平勇於公義而尤以孝稱咸豐辛酉捻匪犯邑境時傳賢已五十餘與弟邑庠生傳基負母以避未幾匪猝至揮刃母項傳賢急以手掩覆五指盡斷而母得無恙匪即亦止不復揮第叱令牽馬於是傳基爭先掣轡曰走走意蓋以脫其母與兄也匪衆固已異之既而復掠得其同村蔣某詢悉傳賢兄弟居家孝友狀遂續修廣饒縣志

卷十九

人物志

鄉賢

五十四

濟南五三美術印刷社承印

并釋傳基去

呂雲山邑城南偏東不二十里之祥吉楊莊人也家赤貧少喪父與母乞食以爲活後母老遂獨行乞所得悉以奉母母飽乃食其餘無則枵腹依膝下怡如也光緒初歲大饑得食益艱因枵腹以飽其母者累日母得活而雲山以餓死里人宋其端者敦行而留心風教人也嘗爲撰次而碑之通衢額曰孝子碑今以文多不錄

劉星源字雲槎小張莊人同治中郡增生父病侍湯藥衣不解帶者數年父歿事繼母尤得其歡心

李春蕘字堯階城南偏東之都府李莊人父洛文敦篤孝友急公

好義一時稱之爲篤行君子晚歲以腿疾不良於行春莫負之
出入遊觀凡十餘年及父歿繪像於軸日三祭奠並擔土築其
墓日三作風雨寒暑無間母歿亦如之子爲政亦克敦孝行有
父風故邑中稱爲孝友世家云

韓道發字筱同邑城東北不四十里之大馬頭莊人也以孝稱初
業儒應童子試有聲矣旣而以親老棄去一以力田供職爲務
膳必問寢必視會父病亟道發焚香禱天願以身代比歿拘陰
陽家言停棺未即葬道發寢苦枕塊於其側者凡數年食必祭
祭必哭有事或外出必跪稟及母歿合葬訖遂廬於墓所衣麻
冠素晝則荷鍤築墓夜則讀孝經禮記諸書不數行輒起繞墓
續修廣饒縣志

卷十九

人物志

鄉賢

五十五

濟南五二美術印刷社承印

而涕烈風雷雨亦如之如是者二載卒以哀毀死先是病已革
弟子欲舁之歸道發堅不可事聞知縣某特批褒獎並准予轉
詳時蓋光緒間云

李道泰邑城東南二十五里之大王橋莊人性至孝村跨北陽水
而居會河水暴漲莊衆駭走雖至親不暇互顧道泰獨負母亂
流而奔力盡與母俱溺旣而兩尸並浮水面猶背負不釋云

來逢源邑城直北不四十里之來家莊人也性狷介樸誠雖家貧
爲人傭而事母特孝得錢悉以奉母母晚病廢委頓牀席逢源
左右扶持得間乃覓食於外入門輒呼母母應始喜一日呼不
應驚視之卒矣則大痛初母畜有二鷄忽顧見之益悲不自勝

遂烹之以祭祭畢號泣不食死里黨高其行因共收葬事在宣統初

趙殿甲北夏口人性至孝父歿廬墓三年一時稱之

顏錫爵城西南張郭莊人也家赤貧父士秀年老不良於行錫爵晝則行乞易甘旨供父夜則解己衣覆父體率以爲常也及父歿廬墓三年鄉里至今以大孝稱之

論曰骨肉相與至性存焉而好行其德非必有爲而致者東坡氏有言上以孝詔人則勇者刲骨怯者廬墓蓋言羣相市以僞也自俗之偷人務虛譽忍一痛以沽千秋之令名其人容或有之然情切救親髮膚弗愛誼隆報本艱阻不辭當其天性激發

續修廣饒縣志

卷十九

人物志

鄉賢

五十六

濟南五三美術印刷社承印

豈以求名爲哉右列自李慕淳以下十四人皆以至性孝友顯使倉卒而預爲名計者吾知其不能如所云云矣今者異說狂囂骨肉秦越父子兄弟間竟直以市道相與故特本三物興賢之義合著而揚勵之以爲後來者勸焉

司龍元字海門邑諸生城北二里司家莊武舉司翰亭之長子翰亭雖擢武科而儒業湛深中年闢園構室會友論文校書教子其中以爲樂自顏其居曰澹翠山房超逸儒雅見重一時諸子皆有成就而龍元爲最龍元性端謹嗜書好善敦陸親族學行力與古期遊庠後不謀進取終身以臨池讀書爲事故書法精妙得顏魯公神髓有索書者必錄聖賢格言與之藉以勸善得

者咸珍如拱璧晚歲自號兩酌老人兩酌者曰酌安曰酌危蓋
凡事酌心之危者不爲酌心之安者爲之即此可以見其生平
矣又嘗撰家規十條藏之祖廟每於歲終祭祀時集族衆宣講
以昭勸戒知縣彭嘉寅曾嘉爲至理名言可與鍾氏家訓並垂
不朽云

王寶甲字乙山邑城東南不十五里之線裏王莊人也道光乙酉
副貢性曠達家苦貧而好友嗜書雖衣食不給晏如也著有蕉
窗集初寶甲以迫於功令習爲制舉業然非所好旣而稍稍棄
去見古人諸體文輒倣爲之久之遂積成卷帙中多網羅舊聞
民初志人物與建置等多資以考訂蓋不獨有志之士抑關心

續修廣饒縣志 卷十九 人物志 鄉賢 五十七 濟南五三美術印刷社承印

文獻者也又原書久軼存本爲其及門紀葆恒所手錄而什襲
珍藏者則若葆恒亦可謂能傳其師而有功掌故矣故附著焉
田北澣字水西邑城西南十五里之楊趙寺莊人也道光丁未歲
貢生性倜儻以工古文詞名一時按邑自清中葉以降士大夫
多敝一世以事制舉故百年中志古者幾成絕響於是太拙織
齋諸先生之風流稍稍歇矣獨北澣有昌黎起衰之目當其時
榮生哀死莫不以得一言爲重北澣雖不甚自惜而所施必擇
其人知博興縣事某者阿汙吏也嘗持百金丐文爲其母夫人
壽北澣峻拒之由是名益高遠近皆呼爲水西先生生平所爲
文甚富惜多散軼今所存者才數十篇爲定名曰水西文集見

藝文

劉元吉字慶昉邑城西南不二十里之小張莊人也與田北濟同時相友善北濟工爲文而元吉以詩稱性超軼嗜酒不問家人生產故早歲雄於資晚乃貧甚元吉不爲意也方走膠萊沿海一帶放懷山水登登州蓬萊閣觀日出由是而詩益進初元吉以諸生試輒高等而屢窮於遇衆或相聚爲扼腕元吉乃浮白白眼望青天呼造化小兒能奪我榜上名能奪我杯中物乎一笑而罷旣而更務爲敦謹矢志斷酒因有句曰酒星摘去換茶星少壯沉酣老大醒又曰從今莫門糟邱路一入醉鄉三十年其俊逸曉暢與終始行事類如此惜全稿久軼今特於藝文存續修廣饒縣志

卷十九

人物志

鄉賢

五十八

濟南五三美術印刷社承印

其目曰慶昉詩稿云

于晉甲字康第邑城之西關人也父登龍舉人有學行晉甲少爲諸生性孝友侍親疾衣不解帶者累月望重一時而謙退下人未或以善自居嘗以擒匪將至其門人邑舉人張麗藻等率衆戴晉甲爲團長晉甲以德威財三者皆不足辭其後麗藻卒以守城功聞於朝得獎如例則其所以爲衆推者可知矣又同治建元兩學欲以孝廉方正舉晉甲亦辭不就著有易經旁訓年八十六以壽終

張麗藻字錦塘號烟村同治癸酉順天經魁相貌倜儻爲文下筆立就受業者或成進士入詞館而公秋試屢躋年五十八始中

式授嶧縣教諭嶧縣文風遂冠諸屬晚歲性愈淡泊文愈古奧以成就後進爲樂自號耐久老人壙銘家傳皆自爲之瑩然於性命始終之旨尤知兵事善應變成豐辛酉之亂公私無備聞風倉皇邑侯延公問計公從容區畫修城築堡練團防守人心大定以功獎五品職銜及卒弟子爲立墓道碑私謚端敏先生

孫雲達

子象
侗附

字漸九城東稻莊人邑廩生聰敏孝友器度宏深學

問品格卓表鄉曲饒於才略急公益出天性當捻匪之亂公預爲籌防創修圍堡一方悉受保障至今德之生平廣交遊重義氣戚里有急難相求必忠告善道設帳授徒出其門者多知名士年六十卒里人爲碑其行於里門子象侗字愿農邑廩生端

續修廣饒縣志

卷十九

人物志

鄉賢

五十九

濟南五三美術印刷社承印

謹厚重行不旁視教授終身稱人師焉

劉觀德字相圃邑城東北之高劉莊人也家素封性慷慨好義咸豐中捻匪犯境時各村率無備以故被害者尤衆觀德獨出貲起圍堡來避者皆廩給之所全活無算又光緒初仍歲大饑觀德輦粟以賑不繼則更市諸他州縣一時號爲難能

李廷樞字瑞林邑城東之東杜莊人少貧廢讀以商起家爲人樂善好施光緒十四年歲大饑嘗施捨米穀棺木以濟貧者一時有善人之稱邑令劉昌祿以慷慨好義額其門

盧岱雲字鎮東邑城直北不百里之盧家莊人也著有量算正訛幼喪母未幾而父亦卒終身不娶家貧而好施濟衣食所餘輒

以分惠孤寡或於春冬無事時躬填補其橋道之廢圯若崎嶇者未嘗學問而有志於著述初環鎮東所居方百里中於量算之法多舛亂漏略鎮東病之因窮思其所以有得則就里黨之讀書識字丐爲圖記卒成所謂量算正訛者同時邑名進士隋聿修亟旌異之嘗代爲叙次而板行於世

咸豐十一年禦捻諸義烈列傳

張篤慶字子祐武生魁武有膂力多機智遵籌餉例報捐把總署臨朐汎乞養歸值捻匪亂勦辦鎮東團率勇數百禦賊博興朱家窪陷賊中身被數創屹然不動賊疑有伏乃遁去以功獎給五品頂戴又因河工出力保千總居鄉恂恂有儒者氣象精醫續修廣饒縣志

卷十九

人物志 鄉賢 六十

濟南五三美術印刷社承印

學外科有求輒應從不受謝

陳超萬字子傑邑城北不八十里之魏家莊人也體幹修偉性豪邁多大略幼嫻技擊工騎射以異等入邑庠每試輒冠其曹生平勇於公義當咸豐之末盜賊蜂起超萬輒竊竊憂之於是糾集同志以先是而備爲之倡歲辛酉捻逆果東犯焚掠蹂躪所過成墟而邑境邊北一帶無慮百數十村莊獨安然無鷄犬驚者皆其力也初超萬創爲團練之議或非笑之旣而有鹽梟聚徒滋事勢甚猖獗超萬一鼓平之由是衆服其能而勢益集卒成所謂鎮東團者至是遂率以禦賊於博興之朱家窪時賊衆以萬數超萬奮勇先進身被數創而力戰不休會援至賊乃引

去遂倡捐鉅款糾利蒲博樂諸邑起長堡起海迄河東西亘二百餘里隨地設防故同治中賊續至者凡再三終不能北下一步當事者上其功賞戴藍翎都司銜儘先補用守備當是時遠近莫不耳其名而超萬轉務爲恂謹常廉訪賡者苛酷好殺人也常以防河駐軍蒲台徵各團長誅鋤其跋扈若少有疑似者顧獨重超萬之爲人獎藉有加焉然自超萬以團練捍鄉國騰實蜚聲矣而遇事必曰此吾超凡之力其謙退如此超凡即王冠羣也

王冠羣字超凡陳超萬之鄰村褚家莊人爲人慷慨負氣有不可一世之概獨善超萬所爲終始左右之衆因推以相副而名亦

續修廣饒縣志

卷十九

人物志

鄉賢

六十一

濟南五三美術印刷社承印

伯仲一時云

田文振字厚菴殿臣孫爲人慷慨長於韜鈴咸豐末捻匪擾山東公與二子練鄉勇禦之陽水東一鄉資爲保障邑侯上其事以功議叙六品職銜

閔兆祥字瑞亭城東閔家口人性慷慨好義樂施義之所在恒不恤身家以赴之咸豐十一年南捻北竄兆祥率子殿元倡辦團練被推爲團長一方賴以保全邑侯上其事於朝以功議叙六品職銜

高樂東字熙臺府學廩生端三保陳家坡人咸豐十一年在本境率練勇禦捻匪陣亡邑令彭彙案請卹從優照四品以下人員

陣亡例給予雲騎尉世職准伊子高鴻翱承襲

李洧字又涉幼習武技咸豐辛酉之亂難民雲集韓疇窪賊騎千數橫肆劫掠洧至毅然直前賊攢刺之莫能傷賊逸去難民倚以爲命洧亦顧盼自豪俄賊大至洧獨與戰力盡被執不屈死

張曉榆與衆防堵小清河口在桓臺戰死

張心廣邑太學生率勇防堵小清河口在石辛鎮戰死

溫興習亦在石辛鎮臨橋遇賊戰死

許景彥從九品以練鄉勇禦捻匪陣亡邑令彭彙案請卹准給雲

騎尉世職

燕殿傑邑廩生以練勇禦捻陣亡卹獎雲騎尉世職

續修廣饒縣志

卷十九

人物志

鄉賢

六十二

濟南五三美術印刷社承印

宋冠儒邑廩生以練勇禦捻陣亡卹獎雲騎尉世職

張龍岡邑廩生以練勇禦捻陣亡卹獎雲騎尉世職

宋桐太學生以練勇禦捻陣亡卹獎雲騎尉世職

宋儒太學生以練勇禦捻陣亡卹獎雲騎尉世職

同時殉難者復有燕塘許雲魁等六百十二名婦女八十八口

俱經彙案請予優卹而舊志所載禦賊捐軀之劉夢弼溫習成

李道恒董觀光王天錫劉進才被脅不屈以死之雒公悅許華

東溫法泰黃繩祖黃貞吉黃士吉以及燕塘之弟婦張子婦許

弟女便妮其尤著者也大難當前捐其軀以成仁取義邀綸恩

褒典之榮留史乘名字之香死也爲不朽矣故彙錄焉

尹杞泰字壽甫邑城西北不三里之尹家莊人也性淵雅高尚工書而尤長於篆隸光緒初以廩貢捐授四川崇慶州州同素豐於財在官所需皆取給其家不以絲毫累地方故去之日士民送者載道家居不涉城市關園曰富春讀書其中暇惟觀玩花卉魚鳥自娛以終

王金相字麗珍邑城東南不三十里之北臥石莊人以歲貢授霑化訓導歷任曹州府教授濟寧州學正其在官與杞泰事頗相類而居家尤多厚施王寶甲者金相同學友也能文章而家苦貧金相周給之者終其身今蕉窗集中有文曰與王麗珍論交者蓋即記此

續修廣饒縣志

卷十九

人物志

鄉賢

六十三

濟南五三美術印刷社承印

隋聿修字笠莊邑城北較西不百里之木里莊人也生而異敏當八九歲時里有以拳勇相角者聿修一見輒了試爲之無不中程性倜儻工制舉業每一藝出鈔傳遍遠近初以選貢試用知縣不就旣而領鄉薦成進士授刑部主事以親老改歸原班捐分山西時山西巡撫爲曾忠襄公國荃中興名宿也於人少所可一見輒深器之由是凡疑難若重大事事爲衆所前却或歷試而墮且僨者率倚辦焉當是時忠襄逢人無面背輒譽爲莫及語詳馮太僕保摺見下會歲饑忠襄以救荒諭在省各員合抒所見有某候補縣者乞靈聿修聿修援筆立就洋洋二三千言大意謂周禮救荒十二政以保富爲先而賑民以粥不如賑

民以粟賑民以粟不如賑民以錢其於利弊通塞之交酌準甚
悉今以文多不錄策入忠襄且讀且贊歎既乃昨曰此必吾笠
莊所爲庸庸者不獨無此見解抑無此手筆也遂通飭各州縣
著爲令論者謂擁老弱病罷於一廠則癘疫薰蒸益未一而損
且百而饑寒交迫搶掠時聞脫不嚴爲之防禍且不測聿修所
言真能見其大而消患無形者於是羣頌忠襄爲知人而一時
諸名公巨卿間亦無不知有隋聿修矣歷知大同右玉各縣其
在右玉會朝廷有旨飭中外臣工保薦人才於是同郡傳所稱
馮太僕爾昌者首以聿修應詔有臣與同郡素識早驗其有爲
有守留心經世之學以後該員由刑部改歸原班捐分山西但
續修廣饒縣志

卷十九

人物志

鄉賢

六十四

濟南五三美橋印刷社承印

聞其官聲甚好及詢之前撫臣曾國荃謂其家藏政譜勤慎廉
能洞悉民間疾苦實晉省第一好官云云奏上特旨送部引見
未幾以疾卒時光緒十一年也蓋先是歷官所至凡百勤劬積
有夙恙云喪歸有兩鳥哀鳴塋樹逐之不去終葬始已時以比
楊震之致大鳥著有行軍秘鑰救荒策

賈翹梧字瑞岐號周山邑城北較東不八十里之賈劉莊人也性
謙和其接後進尤諄誠善下與語無不盡之情而其偉端莊談
吐豪邁不怒而威勇於爲人任患或有被其德而出負心語者
旁觀不平翹梧輒爲婉解其不得已狀生而穎悟溺苦於學以
同治九年舉於鄉光緒庚辰大挑知縣分省得貴州貴瘠而遠

及門某以助資改近請不可曰是以官爲市也比抵貴入讞局
贊幕府聲華藉甚會清平縣城火奉委往賑散放核實民忘其
災丁亥權開泰開泰漢苗雜處積不相能官吏復資緣魚肉之
以故互仇號難治翹梧一視同仁政乃大和庚寅補婺川婺川
民俗獷悍故多盜若絲棉壩龔林老冒等凶焰尤張殺擄搃斂
案以山積大府嚴檄捕治而官經四任莫之敢撓翹梧下車即
陰集團丁爲出奇掩襲計計洩幾瀕於危蓋縣城久圯官署復
蕪陋甚計旣洩盜反悉衆來攻聞者色變當是時翹梧公服坐
堂皇以死自誓幸盜衆以故不果來因上其事請兵大府有齟
齟之者翹梧以去就力爭卒得請大舉勦捕渠魁授首而以計

擒宋三王一役爲尤難宋三王者勢尤衆行尤黠其竄擾婺川
印江龍泉各縣接壤間者積有年所矣各縣率互委不過問翹
梧獨設計擒之餘孽以次削平遂務德化一几一椅手一編危
坐終日有申訴者逕前聽斷又捐廉課士親爲講解若師弟初
縣境有地曰下五里距城特遠爲訟盜藪翹梧月必一至至是
亦率教誡比他村堡焉於是大府迭以循良題薦欲擇優以處
而翹梧已有退志旣力辭不得乃曰彼婺川民習我矣必欲翹
梧之留乞仍以相授大府鑒其誠諾之及乙未大計首以卓異
送部遂乞病歸去之日士民載道餞送踰境乃止有泣下者家
居以授徒自給蕭然比窮諸生東撫趙公次珊黔撫林公贊虞

迭書敦勸皆不赴一時莫不高其志而惜其才曹修撰竹銘嘗集宋聯以遺之曰筆耕尚可儲三載酒戰猶能敵百夫說者謂巧合奇中而翻梧之風采亦可想見矣年七十八以壽終著有依槐堂文集四卷依槐堂詩集一卷籬齋牘札二卷黔俗記畧一卷筆記一卷

成方田字心良邑城東北之成家寨人性謹厚家中人資而能以色養得兩親歡老而無子或以置嗣勸曰本支既無人人孰甘謂貧人父者且神不歆非類民不祀非族惟此屋數椽田數隴傳之先人以歸他姓孰與仍歸之先人之爲愈也遂儘所有捐爲宗祠膳田族衆感之爲刻石記其始末額曰無嗣碑云

續修廣饒縣志

卷十九

人物志

鄉賢

六十六

濟南五三美術印刷社承印

商長慶邑城直北不九十里之西商莊人也生平慷慨好義負氣敢爲工刀筆而尋常不與人詞訟惟究心一邑利弊衆所隱患而不知知之而莫如何者輒挺身任之初邑串票每紙課錢七十文其積重爲全東所無而賦法有所謂見釐成分者名曰捲尾閭閻普受其害長慶控爭之各大憲卒得直當是時不肖官吏出全力拒之長慶之被困者數矣而志終不撓卒得直而除其弊使闔邑被其惠當時邑進士劉應龍深義其行而援助之劉應龍字梯雲邑城西南之小張莊人英毅質實見義勇爲咸豐二年進士部選甘肅隴西知縣以親老不之官同治丁卯捻匪逼太和莊圍圩擄鄰村男婦數十百人脅以易馬無者刃之公

乘賊不備率團丁繞出賊後擊之賊驚遁衆賴以免賊退竄盜竊發公督捕縛獻其魁鄉邑以靖服闋到省署文縣有循聲以伉直不合於時掛吏議蕭然歸里授徒以終先時邑中川票積弊病民公具呈遣子與商長慶訴上憲弊立革其爲守有如此者矣

崔礪邑人生平輕財好義嘗買僮劉振振莒人也憫其背離鄉井爲衣食授室若子弟旣而振具言父子止己一人遂資遣之

李培字篤齋邑城東南二十五里之李家橋莊人也生同治中嘗遊隴畔見囊中金若干坐守之旣而失者至立還其人又嘗沽酒村肆業付半價主者偶疏於登記及債償仍索其全值培即

續修廣饒縣志

卷十九

人物志

鄉賢

六十七

濟南五三美術印刷社承印

如所言以給亦不以前事相質證也生平輕財好義類如此

鞏承先字復裕誠實好義嘗載貨自濰縣歸貨中有金二錠鞏曰得金者一人負累者不知凡幾何利焉刻即返濰主人方以失金起隙波瀾橫生見金歎曰當今乃有是人耶於是義聲騰數百里又代里人魏某償亡金人稱盛德云

魏煥字西洲邑城東較南不五里之梧村莊人也邑庠生高密訓導茂椿之子性孝友敦古道不求諧俗精醫能預決人生死時邑節孝祠傾圮煥承母命捐貲重修其貧婦之以節旌而無力入祠與祭者皆爲之木主又光緒戊子嘗鬻田糴粟以賑邑人稱之

劉宗海字緒門邑廩生城西門裏人善書能文性慷慨凡邑中義舉率與襄辦嘗自備資斧徧徵邑內節烈彙題而請旌焉邑侯曾公之創建考院也首捐地以擴其基即此亦可以想見其生平矣

宋其端字伯莊一字墨莊邑優貢生蘭芳之從子也光緒丙子舉人官博平訓導以善書名一世自唐宋各家上溯漢魏六代諸石刻臨摹殆遍每一業畢必逼真神似而後已卒會萃衆長冶鑄滙合而獨成一家其奇古怪特者不啻與鄭板橋氏相上下由是海內無不知有宋其端矣久之爲文亦浸浸有古意性敦謹事繼母以孝稱又留心風教凡賢孝節烈事必力爲表章若續修廣饒縣志

卷十九

人物志

鄉賢

六十八

濟南五三美術印刷社承印

本編所載呂孝子雲山者亦其一也

劉慶林字佐廷少負奇氣善技擊光緒五年以武童投效淮軍累功保守備儘先拔補加都司銜賞戴花翎三十年分防紹興勦平左溪坑土匪三十一年平甯海州土匪三十三年委赴嶧縣勦匪力戰陣亡死事甚烈照都司陣亡例議卹給予雲騎尉世職誥授武翼都尉生平廉直無私故能得人死力所到之處民與兵習餘姚紳耆獻頌有計壯龍韜等語

燕華雲字望如邑城東北之東燕莊人篤志力學不驚世務光緒己丑舉於鄉著有介石山房文集藏於家

延居安邑城東南之延集莊人少孤母再適祖母某撫以成立居

安事之稱孝每以父鰥爲恨歲時輒伏其墓上爲孺子啼後居安年七十矣忽一老嫗過其門曰有母我者我且自鬻居安告於父墓而迎養焉凡十餘年無缺禮卒與父合葬

王允傳城東皂戶王人性慷慨尙義有遠略擒匪之役先事創建圍堡一方賴之

崔華邑之西關人生平廉潔飭躬好善樂施嘗遇重金於路不取坐待其人與之值歲饑出資周卹焚券達萬數里黨額曰好義可風

王劉合傳

王德慧劉季二均城東三十里彭家道口之貧家子也居邇業同續修廣饒縣志 卷十九 人物志 鄉賢 六十九 濟南五三美術印刷社承印

深悉同力合作之益遂結爲異姓兄弟夥居營度卒致素封且終其身不析居一時有異姓公義之目

田文海城東田家莊人邑庠生殫志文學而澹於進取居恆吟詠自適於世俗富貴門第之見雅非所慕著有棗梨集藏於家

楊建泰字清菴孝子建平弟也隨兄奉母孝行無虧事兄亦敬恭克盡見稱里黨間性好善樂施見義勇爲舉凡建祠宇修橋路賑貧恤孤事皆傾囊相助如恐後人以是並高其義行焉

楊灤建泰子也字旋亭邑附貢生秉承家訓孝行敦篤母宋晚年病日出入扶持湯藥必親嘗飲食寒熱必試適而後進母九十大慶喜懼之情見於顏色及母歿哀毀骨立柱而後行服闋後

哀猶未忘積疾遂不起君子觀於三楊昆弟父子之行而知楊氏以望族見稱於邑非偶然也

張鏡堂字虛齋城北韓疇莊人品端學優書精八法名重一時光緒甲午畢東河嘗延至府中教讀瀋陽將軍英煦一見深契復延佐幕府凡百相依後以父喪歸而年事衰暮矣乃以孝養繼母終其身子雲獻字歡庭邑庠生敦謹孝友學深養到有父風楊開泰字聖字邑武庠生城北草橋鎮人也天性慷慨尚義俠喜交遊於公益慈善事業尤竭力倡辦解囊相助不少客己卯歲大饑散麥千餘石貸出之歛貧不能還者招之至悉焚其券其輕財仗義類如此宜里人迄今稱道不置云

續修廣饒縣志

卷十九

人物志

鄉賢

七十

濟南五三美術印刷社承印

張化林字運行城東門裡硝廠街人性豁達仁厚仗義執信有遠謀咸豐辛酉捻匪竄擾青齊時縣城無備公倡修城垣置械練勇預爲計及賊至城賴以完民衆安堵丙子歲大饑當道設粥廠請公董任其事公悉心處理饑民無缺望者居家孝親教子篤合禮經處世坦懷厚德遐邇交譽稱爲長者子二孫七世其德訓皆爲一時名彥

劉國柱字石亭時昇裔孫生有至性能得親歡心親疾以手承穢衣不解帶好濟人善解紛貧者資焉爭者平焉一鄉稱爲長者蔣德潤字澤堂歲貢生性謹厚篤孝友能文章生平無他嗜好惟嗜學以宋儒居敬爲宗無妄言無妄動從學者如對霽月光風

當時以程明道擬之終身足跡不履公門前後邑侯遇學者涉訟事輒稱公以愧之舉鄉飲大賓卒後弟子爲立碑墓道

董士玉字縝堂號蘊谷城東西毛王莊人道光丁酉拔貢品端學粹內行無虧少失怙從兄士瑾受業兄愛其慧爲徧延名師由此詩古文詞及制藝兼工爲當時名流所推許然淡於進取再薦不售遂隱居教授晚更邃於醫術每製一方沉痾立起終身事兄如事嚴父卒鄉人私謚端敏先生

徐州桐字嶧亭邑諸生少失怙母守志撫孤誨之嚴公承母訓學深德懋教人有方莊重方嚴爲鄉閭矜式人欽其德舉爲鄉飲正賓

續修廣饒縣志

卷十九

人物志

鄉賢

七十一

濟南五三美術印刷社承印

聶紹閔字闇堂號古愚廩生性情坦直重然諾尙節義當面不能容人過失而境過輒忘不以留念人以是憚而愛之尤精人倫鑒如同邑成子象乾李子振甲臨淄于子疏梅博興李子士田皆自童時爲所賞識以後皆成進士課士先行後文肫懇如家人父子遇孤寒士尤加意訓迪惟有文無行者畏之不敢前公亦擯之唯恐後沒後人以儒林碩望表其門

馬樂東字乙齋歲貢生教人循循不倦生平不以聲色加人晚益耽精道味和氣沖然

李嶠字欽山歲貢生端方正直平生無機械心亦不知人以機械待己卓然古道君子也

李蘭枝字穰園邑城西北十八里寨莊人世所稱孝子李慕淳之姪候選直隸州州同毓淇之少子也儀度軒昂沉毅慷慨有豪俠風而與人語則藹藹若春風煦物人以故親愛之天性孝友年十二值父病廢即出入扶掖若几杖父喜謂諸男曰汝曹第以勤儉敦義爲孝有小子事我我心慰矣逾年父歿哀毀若成人及長事三兄如師父終身恭謹無少怠其爲義也值歲饑於比閭族黨之寒者衣之饑者食之貧難婚娶者贖合之困極卹離者助資成全之而尤以曲全某文學公女節事爲膾炙人口云子七長之楨以嗣其叔兄馨園次之幹之屏筠霄之章之藻之韶俱克承家學內行敦篤一時稱爲孝友世家云

續修廣饒縣志

卷十九

人物志

鄉賢

七十二

濟南五三美術印刷社承印

鄭新字荷亭邑石村東關人幼讀書識大義以貧故棄儒業商性慷慨仗義有古豪俠風所至賢士大夫多樂與交遊其設肆燕都時游百川尙未第落拓窘困無以爲生公以歲終討債至其家其母爲道艱苦狀公立放棄債權並義助數十金俾度歲後復時時周恤之迨百川奮迹巍科公晉賀游母謂百川曰不有鄭君吾家焉有今日兒其兄事勿或怠故百川終身敬禮如手足一時名公巨卿如畢東河輩皆樂與遊處爲忘形交又時有鄉人王昌然者以皇失甲案爲大盜所攀誣服已秋決有日矣公憐其無辜爲出資營救訴於大吏毛昶熙俾得昭雪後王詣謝公曰某所以營救君爲吾良心與公道驅使於君無與何謝

爲生平行誼多類是故一時名重京師云

賈宗漢字荆池五區北賈莊人性慷慨好義光緒戊申嘗以一鄉貧寒子弟無力入學爲可惜乃捐地出資創辦義學一處以廣造就父老德之爲立義行碑

宋蘭洲字香遠城東娘娘廟莊人性至孝繼母待之苛恒跪而請罪不敢出一言母怒解怡然色養如平日會母病手煎湯藥晝夜侍側歷久如一母病愈因感泣指告親族曰此子真純孝也由是善遇之讀書不求進取以詩文自娛性情慷慨見義勇爲里黨無不稱頌者晚年闢地爲圃結茅屋二間與一時名流唱和其中詩文雅潔有古意今存有亦山詩稿一卷

續修廣饒縣志

卷十九

人物志

鄉賢

七十三

濟南五三美術印刷社承印

李振甲字乙山邑城東二十五里之李家橋人少家貧天才卓異讀書過目成誦父漢源老宿也公五六歲即從受業通小學屬對脫口而出驚長老年十四補博士弟子員歷應歲科試均爲學使者所器重拔置前列食廩餼弱冠遊歷下與一時名俊角文灤源尙志各書院時掌院教授皆當時林下名宿咸國士曰之由此山左人士無不知有樂安李乙山者光緒辛卯舉於鄉壬辰捷南宮其殿試也鄰號某策卷繕畢曰斜矣自校中權越幅惶駭失措公爲閱其前後文義計字依意綴文而橋接之須臾構成天衣無縫兩人均獲選主部事某德之謝以金五百義不受某疑其少之也益爲千公爲陳說大義峻拒之由此京都

人士又無不知有山東李乙山者公博學宏通俊傑識時在都與於康梁等所組之強學會謀革新政局戊戌之變公以辦理鹽務在籍得免其辦鹽務也以在都時與相國徐郵善徐義其臨財不苟付以巨金俾回縣董挑灘曬鹽事公歸悉心經籌規模宏大設非遭黃水淤沒之意外其獲益有操左券者及灘務敗公愧無以對知己乃盡鬻所有以苴補詎杯車不濟尋以憂鬱致病卒年始四十有八耳生平尙義俠重然諾孝友篤交至性絕倫中年早逝論者惜焉詩文高古多散佚

秦奎良字慶臣城東稻莊人生而岐嶷超羣年二十八補博士弟子員食餼光緒己卯舉於鄉時張勤果公隴撫東深器之延襄

續修廣饒縣志

卷十九

人物志

鄉賢

七十四

濟南五三美術印刷社承印

辦黃河堤工齊東遷民之役多所擘畫歷保知州指分直隸到省後李文忠公檄辦熱河山西義賑及北運河子牙河工程事旋任籌賑局管庫仍兼堤工以廉幹勤慎歷任上憲均極倚重己亥以優保入都兩宮召見溫諭有加以直隸州知州擢用旋題補延慶州知州勤政敷教治幾上理會庚子變亂以民教積隙仇復事被忌者夤緣中傷鐫秩去舊知皆代不平公怡然也入都後長蘆都轉汪公委總辦永平七屬鹽務事出創辦公籌擬綱領期裕國用甫就緒而汪公以忤大吏去職公亦義隨解任時公年六十掛冠歸隱以著書稽古自娛居家二十年未嘗應官府之徵足涉城市惟於地方公益則輒躬先倡導惟恐後

性剛方嫉惡嚴而待人厚里黨有以糾紛告者輒爲區處排解各如其意年八十一卒著有閒菴文存印行子二長錫鎮自有傳次錫銘

秦錫鎮字錦泉延慶州知州奎良長子也生而穎異年十七入邑庠食廩餼光緒癸巳恩科解元辛丑入貲爲內閣中書癸卯詔試經濟特科以一等截取江蘇同知柯中丞逢時延佐廣西幕府旋補松江海防同知居滬數載炎市冷官每與巨公名流談道論文爲娛都轉陸文節公鍾琦深重之時滿洲瑞澂爲江漢關道待僚屬如束濕年四十一以鬱抑致病卒於任所公天才卓絕讀書識大體屏棄世俗淺近而以博通致用爲務嘗酌古續修廣饒縣志

卷十九

人物志

鄉賢

七十五

濟南五三美術印刷社承印

準今編列求學應習書目附以說明以遺學者邑之後進循其遺規多所成就爲文以馬班爲法詩學李杜著有竹園詩文稿數卷藏於家

邵自修字勗齋城北邵家莊人邑庠生性淡泊寡嗜慾隱居教子意氣蕭然然遇鄉里善舉則常先人勇爲晚歲以吟詩蒔菊爲樂著有紀方節略詠菊集各一卷

景可模字子範城東五里大路莊人邑廩生體貌魁梧德威儼然令人望而畏敬爲文奔放雄奇不拘泥繩墨學宗陽明務知行合一光緒己丑歲大饑餓殍載道官家雖有賑杯水車薪緩急不足恃公乃與弟可輔暨族人維芳倡議積穀仿朱子常平倉

法畝出麥二升粟如之娶妻生子者酌捐貲積數十斛歲更貸增益荒歲有備遠近爭取法焉又倡設家塾立家法貧者入校讀不法者杖於廟族百餘戶數十年敦禮教無訟爭多公力也性剛正當面不能容人過然急友難示肝膽古義俠不是過學博文古負笈從遊者遍郡邑所陶成多知名獲雋而公竟以授徒稱人師終焉

景可輔字佐臣可模弟也拔貢生天性溫厚與人無忤平生讀書不屑屑作經生務爲有用濟世之學乃爲科第所限未博一官以展其幹濟之志其時流露族黨里閭間者爲與乃兄可模族人維芳倡辦積穀設家學立家法及獨出貲自其始祖至九世續修廣饒縣志

卷十九

人物志

鄉賢

七十六

濟南五三美術印刷社承印

祖墓各爲立碑諸事教人先行後文而所爲詩古文辭多可傳誦著有鄉土志稿藏於家

景維芳字蘭齋與可模可輔同族嘗共倡辦積穀設家塾立家法幼失怙事母孝謹母晚年病日出入臥起維芳躬扶翼之母至忘所苦服兄維湯有遺孤公爲傭乳母鞠育之及長惠以產俾自立族子以約者家故貧生時遇歲歉其家將棄以與人維芳爲出米五斗全活之族人來運兄弟析產爭執不決則割己田搭益之致感泣不復分其他若焚券却金退還族人雲朋質宅捐貲設學嘉惠闔村之子弟善舉種種歿後鄉人高其義爲立碑表通衢子二長傳詩次傳書

朱建平城東南朱家莊人性質直和厚所至人皆樂與交接以故以一介貧士經商鄰城贏得動輒數萬金而輕財仗義濟厄拯急一若出於天性在鄉數十年士夫商民皆敬重之而由沂至邑數百里道其名無不交口譽者

王岳字宗山城東三角灣莊人光緒戊寅歲貢生性嗜讀聰敏過人爲文義安法穩火候純青授徒四十餘年門下多舉賢書成進士者內行修潔束身如圭璧教學治家規範謹嚴故其子弟門生率飭躬敦行有儒雅風公博學精純生平手鈔經史子集達三十餘種壽七十有九無病溘逝及門爲立教思碑

于景洙字道源邑東南二十五里李家橋之于家巷人光緒己卯續修廣饒縣志 卷十九 人物志 鄉賢 七十七 濟南五三美術印刷社承印

恩貢生性端慤喜靜嗜讀隨養沖和與世無忤一方咸尊崇之

民國 列傳下

杜兆麟字聖符城東二十里之東杜莊人也清光緒戊申歲貢生品端學優樂易愷悌少窮窶性孝友好公義以志事未伸時有子路傷貧之歎中年乃輟舌耕經商羊溝累致千金時出餘資濟困周急以遂生平素志歲庚子有南中名下劉尙倫者在都遇變攜眷南旋資斧斷絕阨困逆旅公與風塵相遇慨贈百金助之歸義兄賢書不善謀生公時時規勸終其身資以錢米贍其家其平素之賑貸鄰里亦多類此與人處和藹可親肝膽相照辨論異同犯而不校惟義憤所激則勃不可遏先是里有豪

猶某雄張閭曲人莫敢撻公率衆遏其焰並質於官理下之某
遂歛迹附近數村咸稱快民國肇造縣議會成立公以德望被
選爲會長興利除弊一邑利賴惜未竟其緒無疾遽卒邑人高
其行爲立碣通衢焉

成聯璞字蘊谷城東北之顏徐店人性曠達篤交友襟懷灑落好
善勇爲讀書以立命躬行爲先弱冠後遊庠食餼循例貢成均
授教職然鄙薄宦情不謀進取自築別墅名曰環水軒鼎彝圖
書日擁坐其中與一時名流觴詠談道二十餘年足未涉城市
高人雅致有陶徵士風邑令曾啓墳嘗謁其廬書贈一聯云筆
硯精良人生樂事林泉靜寂隱者高風其跋云蘊谷成公樂安
續修廣饒縣志

卷十九

人物志

鄉賢

七十八

濟南五三美術印刷社承印

雅士也其年六十餘二十年未進城矣因其忠信有古人風特
書楹聯以贈即此可想見其人矣

成聯琨字瑤圃號清癯子清郡增生而蘊谷族弟也隱居樂道與
蘊谷同幼穎異篤孝友博學能文歷爲學使者所器重惟以早
失怙恃哀毀成疾遂澹泊利祿結一茅於宅畔盆花池魚憇息
其中題曰半畝園除與知交輩詩文答和與諸子弟講學外世
俗事物毫不縈心家無升斗之儲晏如也邑令蜀南劉公炳勳
深重之題其室曰小隱山房年五十有九自營生壙賦詩勒石
以自銘有傳奕青山白雲遺意亦達矣哉著有小隱山房詩草
經亂佚

燕丕遠字猷臣城東北三十里之東燕莊人幼家貧性至孝髫年
母歿葬後每日詣墓祭奠三閱月風雨無間父憐之嚴阻乃已
讀書務求精深不事浮贅清光緒辛卯舉於鄉戊戌大挑一等
分發陝西歷任榆林知縣商州州同所至革宿弊敷教化政平
訟理以賢能稱方其初任榆林也邑漢蒙雜處素失教化民俗
輕女生輒棄之公聞剴切諭禁其俗遂革又神木地方俗謂男
子殤能爲厲必置山谷間火之方無害公主辦神木鹼局時遇
其事白於都司厲禁之其在商州也時值宣統之初潢池蠢動
公倡辦團練預防賊不敢窺未幾竹林等關迭告破惟龍駒塞
以有備獨完公爲人剛正不阿見愠羣小辭職未久而商州禍

續修廣饒縣志

卷十九

人物志

鄉賢

七十九

濟南五三美術印刷社承印

作繼任者舉家罹難公平生廉介自守宦陝近二十年囊空如
洗辛亥之變陝省官吏四百餘家慘遭焚殺公以清貧獨免亂
定後以授徒積資始克歸家居以醫活人饗殮不給不計也
隋普題字僧覺城北不八十里之北隋莊人也清光緒甲午順天
舉人授高唐州學正秉承家學品學素優恭已教人及門多有
領鄉薦貢成均者

隋藻鑑字竹泉亦北隋莊人光緒丁酉拔貢壬寅京闈舉人援例
報捐內閣中書民國成立閉門隱居以書畫篆刻蒔花種竹爲
樂其書法邑人多珍之

隋葆琪字芝岩亦北隋莊人清光緒丁酉舉人考職授直隸鹽大

使宣統三年上整頓鹽務策條分縷晰洋洋萬言大旨以上裕國課下便民食力杜中飽爲本時柯逢時任幫辦鹽務大臣一見驚奇拍案叫絕謂文筆識見冠蓋魯省行將大用值武昌起義不果民國成立被選爲省議會議員尋卒

蔣耀章字炳軒號炤初邑城之北門街人也清光緒中以縣丞卓異擢知縣歷署宣化縣撫民廳保安延慶蔚等州所至有惠政而以辦理多倫諾爾官商互控案爲尤著時官商因爭稅衝突耀章委婉其間卒以無事然亦遂以此積勞致病因乞歸

王永貞字子幹城北燕王莊人性至孝嗜學不倦爲文颯爽有致居常訓誡子弟家範森嚴雖微過失必切責之訓徒亦然生平

續修廣饒縣志

卷十九

人物志

鄉賢

八十

濟南五三美術印刷社承印

飭躬居敬非禮不履取與一介不苟以廩膳生貢成均清季被選爲省諮議局議員縣自治籌備處處長熱心公益見稱於時居鄉方嚴不諧流俗衆亦胥嚴憚之年六十有八卒著有鄉土志稿樂安縣志各若干卷子三長蘭生次蕙生三芝生皆克承家訓有所成就

許俊升字灼三清邑廩貢生城東北之大馬頭莊人也品端學粹文行拔俗與弟階升均以著述講學知名俊升所著有聊吟集蕭蘆集池南偶談數種階升輯有高陽氏歷代人物志若干卷藏於家雖傳否未卜亦有志千秋者也

延良玉字溫如城東二十里之宋家店人父存讓篤厚長者貧苦

力田嗜與讀書人交接處語學者以故敬重之良玉天資英異魁梧奇偉俶儻不羣見者無不器以非常其父亦誓令其學有成就其讀書深體乃父之志刻苦勤奮人一己百雖未獲從名師受業而造詣不凡甫弱冠補博士弟子員以優食餼授徒四方所陶成多知名文嗜馬班下筆雄肆奔放有奇氣辛丑遊歷下與百七縣名俊角藝山左校士館輒冠儕伍作品選刻山左校士錄中公深自詡負乃數奇不偶壬寅癸卯連薦不售而科舉遂停公夙究新學洞識時務見重邑令劉公派充縣勸學員公自此從事教育熱心提倡各鄉公學因之接踵成立乃年甫不惑竟資志以歿識者惜之子三毓琪瑞琪寶琪

續修廣饒縣志

卷十九

人物志

鄉賢

八十一

濟南五三美術印刷社承印

延壽椿字莊年城東二十五里之延集鎮人以廩膳生貢成均家素寒微而曠達廉潔出於天性與人接藹然可親輕財揮灑名士自賞生平文譽藉甚受知當代名流教人殷懇諄摯以經史爲根柢從學多一時知名士年逾八旬卒門人爲立教思碑

宋富春字文山別號柳泉邑城東二十五里西水脈莊人也清光緒癸卯舉人經文官考試授江蘇運庫大使少家貧未獲從名師讀其所成就皆自刻苦力學來學問淹博文行高古事親篤孝持家嚴肅修己教人均以敦品勵行爲務天性曠達灑脫不爲流俗累於家人生產事雅非所習故終身食貧晏如也其爲人廉潔公正取與不苟正氣凜然人不敢干以私然公與人處

則恆談笑談諧滑稽不拘老幼雅俗皆樂相過從初非有一毫矜持令人嚴憚也生平品高行潔視資緣倖進爲奇辱故其以運庫大使需次江蘇也當道巨公咸重其才欲門下致之而公以品節自持終始不肯易介以和稍自降辱以故宦海浮沉困頓坎坷十餘年之久未獲得當以展其才性慷爽好義遇公益捐助事恒傾囊不惜人有笑其愚譏其矯者公弗恤也邑人高其行爲立碑表於里門著有柳泉文存藏於家

曲龍章字子雲邑城東二十五里之河溝莊人也清光緒辛卯舉人歷任觀城長山訓導學問精純文行粹美教人諄懇謹嚴先器識而後文藝及門皆一時名雋爲文雅潔高古著有鄉土志續修廣饒縣志

卷十九

人物志

鄉賢

八十一

濟南五三美術印刷社承印

稿藏於家

唐九成字景韶城北唐王莊人性篤實孝友家貧嘗爲人傭工得值必購甘旨奉親而自啖糠糲每值親有不懌必跪請罪責俟解乃已父母歿泣血哀毀三年不入私室值忌辰終日哀泣茹素如居喪然

董銘孝邑城南不十五里之趙家莊人性至孝其傭工奉親與唐九成同清光緒十四年歲大饑銘孝乞食四方日選精者奉親父母因以得免於餒後其父客死江南未知處所銘孝乞食覓尋卒以骸骨歸葬邑人咸贊揚不置云

張錫齡字恩三城西五里之北花園莊人清邑庠生民初畢業於

青州師範學校歷膺邑內各級學校教席以勞致疾卒於縣立高等小學堂任性愷悌和易而持正強矯文章高古學問精博教人循循善誘以身體力行爲歸與人交如冬日春和相識者無論老少皆親善之卒年六十二士紳悉悼焉

焦梅清字夢花城南較西之大張莊人清邑廩生才高氣豪踔厲不羣爲文以震川望溪惜抱爲師而獨闢蹊徑讀書博涉廣覽擇精撮要俗儒咕嗶記誦不屑也性豪放而大德不踰閑與人處一言之違輒徵辭色然胸懷爽直無宿怨藏怒故人多畏而愛之民國三年六區戕官案變起倉卒紳民惶駭境內勢且肇勦糜之禍梅清審機處理允饜衆意事平獲邀陸軍部一二等銀

續修廣饒縣志

卷十九

人物志

鄉賢

八十三

濟南五三美術印刷社承印

質獎章此可驗其才猷矣先後主講省縣各中小學校二十餘年所著有國文講義強勉強齋文稿樂安縣志各若干卷

張成勳字竹銘城北百戶張莊人也少穎異讀書過目成誦以家貧棄儒就商復習吏事敦謹篤實不改書生本色其襄理本邑鹺務緝密精到操行不苟深爲邑令所重每游揚於寮案間後獲交一鹺務人員由是始以操禹筴知名得歷筦魯西兗曹區鹽務被推爲鼎新公司經理所至交其賢士大夫裕課阜財譽望日隆當道巨公爭相結納齊魯鹽務公遂執牛耳焉民國六年部令魯省設立東緡公所公被舉爲經理計聯任五次凡十有餘年中間凡百艱鉅事變籌應悉當爲人謙恭和藹老成練

達民七被選爲省議會議員民十被選爲衆議院議員歷充國務院及財政部諮議邑內公益慈善及排難解紛事皆見義勇爲至老彌篤

李良選字少卿城東南二十五里之中李莊人青州中學畢業本省第一二兩屆省議會議員性慷慨有大畧而和易近人自入校讀書以至涉身社會政界皆祇信總理三民主義日惟悴力於斯以期效忠黨國然心地坦白絕無一般政客陰排傾軋伎倆故本省革命先進若王鴻一王樂平于沐塵等皆深依重之又喜交友好施與於奔競殖產事雅不屑顧平生分內所入亦胥付諸平原酒資學生貸金以去年四十二以疾卒於膠澳中續修廣饒縣志

卷十九

人物志

鄉賢

八十四

濟南五三美術印刷社承印

學賴同鄉徐梅生輩集資棺斂歸葬並由縣內外各界同志爲組恤孤教養會捐儲以恤其子陳君雪南所撰捐啓有云古心古貌庸言庸行可爲先生寫照矣

鄧天一原名峻德以字行城東南之鄧家莊人體貌雄武志高氣豪有不可一世概清光緒間肄業濰縣廣文大學已心儀總理革命學說旋入同盟會宣統三年冬與壽光王長慶等糾合同志潛謀光復諸城既佔縣署清吏連同防營反攻天一踞門禦敵手擲炸彈斃敵多人乘隙逃出得免共和成立本縣縣政尙爲酷吏董大年盤據天一約同邑人張立垣等回縣驅逐同時成立同盟會樂安分會民國二年第一屆國會選舉選天一爲

候補議員討袁之役亡命大連與吳大洲薄子明等組織中華革命黨山東支部四年赴滬參加肇和軍艦舉義五年與吳大洲薄子明等佔領周村高揭義旗護國討袁又率同志潛赴濟南夜深突攻軍署靳雲鵬倉皇出走六年國會重開得補爲衆議院議員於民權國是多激烈爭議及國會遭非法解散南下護法受命江北招討副使十年非常國會舉孫總理爲大總統天一運動海圻艦長溫樹德反正擁護國民政府民黨議員反對北政府曹琨賄選天一與之共赴滬發表宣言聲罪致討十二年孫總理開府廣州天一參贊戎機組織直魯聯軍奉派北來秘密工作十三年國民黨改組以率性孤行頗被排擠而其續修廣饒縣志

卷十九

人物志

鄉賢

八十五

濟南五三美術印刷社承印

革命生活亦漸就冷淡十七八年所有工作每趨重下層不擇手段至十九年卒以擔任晉軍別動隊之嫌被省當局繩以軍法殞命豪情壯志未得全竟惜哉

韓金諾字允軒城東韓家橋人黃埔軍官學校畢業十五年以營長從軍北伐歷經南昌武漢桐廬龍潭臨淮徐州濟南各戰皆有殊績累功升中校團長十八年在湖北大冶勦匪殞命年甫二十有九

田邁訓字修齋城東二十五里之田家莊人也清邑庠生以考選巡檢肄業順天府法校受知於府尹張公廣建畢業第一張公督辦甘肅安徽各省軍務悉以爲佐大通寧朔平羅隴西等縣

甘屬繁劇邑也因公賢能先後任命知縣事而公所至悉政平
訟理頌聲載道及張公去甘公感知遇連帶解任還都後政局
屢變仕途變爲市道公遂澹於進取隱身下僚以終公天性孝
友事親左右無方兄懿齋公學業所從受也自少及長事若嚴
父待孤姪如己子廉俸所入必平均分畀之德猷爲守可爲兼
而有之民國二十二年卒於北平救濟院長任年六十有四
馬聘三邑七區之馬家樓莊人性純孝家貧父子捕魚爲生一日
父往海濱捕魚聘三以事未與偕會東北風起海水大漲寒雨
交迸聘三慮父有不測泣欲往尋時已黃昏母及家衆堅阻聘
三待母寢潛起深夜冒風雨往尋竟以凍死時年十八

張榮華字仁軒城北大許莊人清廩生篤學尙品有文譽性狷介
取與不苟當肄業灤源書院時館陶令鄭公稔其才聘閱試卷
有同院某賄以重金爲所親謀首選峻拒之某強聒不已遂辭
鄭聘其操守如此民元後隱居教授不謀進取自號海濱遺老
于振太字鷺汀城南大張淡莊人清邑庠生性崛強高傲與人落
落寡合平生自命不凡睥睨時俗好爲古文詞作品間有可採
者民元後杜門不出額其廬曰遁世軒自號遁世老人與張可
謂同調矣

王立恆字心占城南王家莊人天資聰敏童時受業於邑名宿王
寶甲先生即以大器許之早孤棄儒歸農能克家光緒二十二年歲

大饑立恆慨出積穀六七石活饑者事後里人韓成德出所發穀簿記與之立恆婉謝曰吾爲此聊盡鄉誼責耳豈望償哉立取簿記燬銷之以是一方高其義稱長者晚遂於醫延者雖陰雨晦夜無不往非至契及遠村不以飲食擾病家其他若捐修宗祠捐貲興學各義舉多端蓋慈善由天性也

外徒

秦紘字世纓邑城東北之桓臺莊人也早歲從父某旅居於單遂家焉明景泰中進士歷官都御史以言事數忤內官謫阮陵縣北容驛丞或問何以處此官答以素位而行持節守廉誓死不改因構茅屋三間題曰安遇日讀經史或漁釣自謂有此一謫

續修廣饒縣志

卷十九

人物志

鄉賢

八十七

濟南五三美術印刷社承印

識趨漸明未必非天之有意旣而遷知雄縣再調葭州均著政績復調繁秦州巡撫項某謂之曰秦州多刁民到彼時將此輩打死申來紘對以上司於刁民惡其害人州縣於刁民則惡其害己御之有道刁民可化爲良民非必以嚴刑懲也項笑允之在州三年刁民果斂迹漕賦皆如期完納項某喜曰秦州得人矣去之日士民挽留後巡撫河南總督兩廣晉陞戶部尙書復總制三邊軍務授太子少保其撫晉時曾爲人所誣籍其家得敝衣數事憲廟嘆曰紘貧一至於此耶賜鈔萬貫旌之公平生節儉守分文武兼資卒年八十贈少保謚襄毅

舊志謚文毅茲依明史本傳更

正之

崔銑字子鍾一字仲鳧邑城南之新張社人也祖某明趙府庫官因家安陽父陞以清著仕至參政銑天資穎敏少與秦偉馬理呂柟寇天叙馬卿張士隆等相友善約明經修行母慕高虛母溺訓詁毅然以洙泗爲宗成弘治十八年進士以庶吉士授編修與修敬皇實錄當是時逆瑾竊政士大夫率甘爲之下銑獨不屈瑾怒欲有以罪之其黨張綵者不可乃已實錄成瑾矯旨以練達政務出爲南稽勳主事益約名流評講經史瑾誅召還會輔臣有以文藝籠絡縉紳者漸成風氣銑勸以及時悟主教民薦賢理財強兵毋事瑣末爲書千餘言識者韙之每進講輒以擇相輔德納誨去讒頑戒逸豫爲言一時權倖側目未幾擢續修廣饒縣志

卷十九

人物志

鄉賢

八十八

濟南五三美術印刷社承印

侍讀以疾歸作後渠書屋董畊授徒意泊如也世宗即位起修武廟實錄仍充經筵官尋擢南京國子祭酒銑開誠心崇正義闡經學正文體獎雋彥懲游惰日衣冠坐講堂諸生朝夕問難響答不倦且周貧卹老問疾賻喪士林大悅大禮議起有欲引以自助者銑峻拒仍抗疏勸上勤聖學辨忠邪以回天變自今年杜門著述非聖人之志不存非翼經之文不閱朝臣多引薦者愈自晦約旣而皇太子立慎選宮僚起少詹事兼侍讀尋轉南京禮部右侍郎都御史三暉言句容朱家巷爲帝祖鄉宜表揚銑當覈實奏寢之年六十四以疾卒於家贈禮部尙書謚文

敏著有松窗寤言中庸凡大學全文政議士翼讀易餘言鄴郡志洄詞刪定二程遺書中說考晦菴文抄文苑春秋諸書行世孫榮萬曆癸未進士嘗歸省墓銑與愚谷太僕以同鄉相友善往來講學今愚谷集中有與崔后渠書書蓋論說文爾雅者又洄詞卷首銑少子汲所記公年譜有曾大父拙齋公山東樂安人官趙府廣有大使大父文敏公隨宦籍安陽等語其爲邑人更屬信而有徵云

孫祖壽邑人也後籍長陵衛明嘉靖間由偏裨至狼山副將以討海寇有功晉總兵

王印懋字有懷邑城之北郭人也隨父某籍順天霸州明崇禎辛未進士累官寧武副使李自成之寇京西與總兵周遇吉皆戰死弟章從弟基均以舉人有文名又獻縣知縣王進忠者舊志稱其里居外籍未詳茲以附著

崔廷鎮邑人也後籍京衛明天啓間由裨將至臨鞏總兵以討奢崇明有功晉小教場都督

秦效曾邑城東之稻莊人也自某祖遷沂水效曾早歲以增生有聲庠序既而以清咸豐中奉辦團練禦捻匪功奏保訓導其後有秦德純者於民國十一年畢業於北京陸軍大學由上校團長歷任聯軍第一軍國民革命第二集團軍第二十三第十四各軍軍長及勦赤軍北路集團軍第四軍團副總指揮華北軍

第三軍副指揮國民政府軍事委員會北平分會委員等各要職晉級上將現任北平市長效命黨國

韓經畚邑城東之韓家橋莊人也少從父某遷直隸之平原州清咸豐己卯舉人丙辰進士

呼延林邑城西南之杜宋莊人也寄籍沂州府之蘭山縣清同治中投效江南大營隸曾忠襄部下從復東西梁山九洑洲江東橋及無爲州等處及南京合圍忠襄忽中傷林陷陣馳救南京破與蕭孚泗搜獲僞忠王僞福王諸酋積功至副將銜補用參將賞承勇巴圖魯旣而復以破回匪及勦各游匪累保至記名總兵加提督銜歷太原參將潞安協副將終大同鎮掛印總兵續修廣饒縣志

卷十九

人物志

鄉賢

九十

濟南五三美術印刷社承印

歿准附祀山西曾忠襄專祠

按民初志載府志又有周宣孫旂孫奉者宣字孔和三國魏人見藝術旂字伯旗晉人奉字彥舉北齊人均見雜傳非事臨荒渺即人太微瑣茲不復著今悉依之

